



故太師左丞兩馮公文集序



故祠部郎中贈太師安岳馮公

諱山字允南文集三十卷太師

有子諱澥官尚書左丞贈資政

殿學士字長源文集四十五卷

太師卒於昭聖元年左丞薨於

紹興十年遠者百二十有九年
而近者亦八十年矣而比歲文
集始行于世又未有序之者殊
玉箴於山淵其氣終不可得而
埋蝕斯文也夫豈有久晦而不
彰者乎然士之逢辰則有幸有不

幸太師公在熙豐間不能苟合
於新法辟臺官不就天下高之
元祐以來用范醇夫薦始立朝
為郎而公卒矣時有幸不幸而
斯道也斯文也不與焉左丞年
二十三登元豐二年第名聲籍甚

元祐執政以賢良方正直言極
諫科薦之進策與論人交稱焉
後不果試教授成都蔡元長待
之甚厚及以序送京亦不苟徇
也太師卒奔喪京師三年而皇妣
卒公嘗自述其襄經七年中窮居固
守等事嗚呼非學而能之乎元
符上書論及宮禁述所見耳初非有
意於希世取爵祿也其後主國
論者自以私意進退人才而公
遂進用自卽而卿既乞補外又
以奉常台俄上疏乞罷湟州及

西寧之後以靖患息民公始得
罪矣其謫詞曰頃上書䟽半為邪
言久懷異心下比流俗遽有羈
縻之請實為捐弃之謀以嗣武
為勞師以昭功為往失動搖國
是疑惑斯民可送部與遠小監
當尋貴永州別駕道州安置三
年而自玉局台為吏部郎明年
丞相張天覺罷政公坐附麗又
送吏部為處化丞在外將十年
然後知夔州復直龍圖閣
靖康即位年六十有七矣以徽猷

閣待制兼侍讀俄長諫院而女
真已園太原矣故曰時有幸不
幸也公老而達實逢時之不幸
斯道也斯文也言之抑何艱哉
道與時汙隆文與時高下公則
心知之故於潼川先生楊祐甫
之卒也哭之慟而銘之甚哀公
與楊公皆太師公之所作成也
其言曰某與祐甫游垂五十年
自少替承先訓以文學志義相
期既而先後得科第中年各欲
以所學少見於世而愚不適時

自取大戾祐甫雖廢而安處鄉
里然疾病窘困不能出門戶而
某流放楚粵江湖之遠追惟終
始玄成嘆笑今祐甫卒含悲茹
憤言發涕零以吾二人平生契
義之私定人所不得與其所不
能知者祐甫晚與成都鄭少世
令之鏗亦者大瀘周氏子銳也
可謂好事也已其邑人景君佐
仕于吾州為周氏子請叙其篇
端以余粗知言云嘉定十二年四月

十四日簡池劉光祖序

三馮先生文集序

父子傳受古難其兼有開於前
後莫之嗣作者窮矣故父作子
述中庸以侈周家之盛而唐史
臣傳李德裕亦首表而出之曰
元和宰相吉甫之子夫君臣之

道胥貴於續承者如此而况斯
文乎韓昌黎一世儒宗毫端所
向變化莫測而得手應心之妙
已不能授其子他可知也司馬
談之有遷劉向之有歆班彪之
有固父子相承照耀一世若可尚
矣然三家之子類皆不善用其
身君子或慊焉豈文章公器造
物者靳之而不畀久以其全耶
獨吾
宋三蘇先生之出掩千古而奪
之氣其文辭渾浩如長江大河

沛然莫禦非斷港交流之可望
而其名節峻峙又如太山喬嶽
巖層霄之間使人聳瞻而不敢
議又作子述之懿必如是而後
可以無愧也彼三家者溟滓然
下風矣哉晉慈馮公允南以文
聞名于時其子澥承之益大以
肆令觀其父子之作數腹典重
不費追琢自合法度非有本者
疇克爾里人周君銳闡之契於
心乃鋟諸本俾息固序其首辭
不獲命則以其素所感者書焉

嘉定乙亥中秋日梧谿散入何

憲同叔堅序

不費遊社自合志豈非有本哉

報公醫其文

益大以

安岳馮公太師文集目錄



第一卷

五言古詩

幽懷十二首

春意

送鼎倅陳安仁虞部四言

題澧州石門縣蹇周輔蟠翁太博三愛堂

謝慶守賈昌言禮賓

與蒲宗孟傅正察推

辰陽館八景

開州盛山十二題

和程之才正輔感遇

第二卷

五言古詩

越公堂

灑灑堆

岑公洞

温湯寺

塗山寺

豐都觀

利州漕宇八景

中林道上十二殿

西縣道中

巴子臺志州五祭卦

第三卷

五言古詩

答王載監簿惠詩依韻

春意

答江安尉鮮于項野翁

送梓漕李竦端臣赴闕

和李曼脩孺職方謝梓守張靖子丘龍圖遊春

再和

苦寒寄任瀘州役師中

馮堯民希元先生承詔堂

除夕

幽懷

獨坐

郊外

城南

第四卷

五言古詩

送王審言秘校潞州法曹

送張子立龍圖知鳳翔靖

送滿安行誠之秘丞興州簽判

謝人惠充墨
送梓憲穆珣東羨度支移京西漕
送梓憲胡揆少卿赴闕
利漕劉忱明復見性堂

第五卷

五言古詩

謝梓漕李琮獻甫寄餘甘
送李獻甫知吉州
送梓漕李傑伯穎赴闕
送上官基察推同年
送夔漕王宗望蟠叟大夫赴闕
和利漕徐師旦之才文龍山水之秀

第六卷

七言古詩

題范亦顏聖鄰同年集後
愛石堂
送二十二舍弟赴金堂簿

青塚行
鄰家婦

俠少行

採樵行

路傍柏
江

八陣磧
哭景館吏立之

答中江程建用知縣
送滿夷行秀才赴太學

寄題宇文之邵公南山止亭

第七卷

七言古詩

送江衍巨源提舉赴闕

果倅趙袞良弼平江亭

和允南

求劉忱明復龍圖為畫山水

寄題榮守峇象求品起太博清富樓

送程嗣恭正基提刑赴闕

和蒲安行題鮮于秀才

和任師中舟中見示

第八卷

五言律詩

寄上金陵王荆公

寄上穎昌范蜀公

蜀公和

和梓漕陳旼誠伯弭節堂

閣中蒲氏園亭十詠

溪竹

即事二首

野澗

和蒲安行誠之見喜新受梓倅

擊甌樓

馮山公集目錄

馮山公集目錄

馮山公集目錄

馮山公集目錄

馮山公集目錄

馮山公集目錄

馮山公集目錄

馮山公集目錄

馮山公集目錄

馮山公集目錄

馮山公集目錄

馮山公集目錄

馮山公集目錄

馮山公集目錄

馮山公集目錄

馮山公集目錄

馮山公集目錄

馮山公集目錄

馮山公集目錄

馮山公集目錄

馮山公集目錄

馮山公集目錄

題靈溪寺

曲細道中

巴州聖壽寺小閣

廣灘驛寄知縣盧大年職方

第九卷

五言律詩

詠雪

和普守勾士良輔元大夫見寄二首

和眉守周尹正孺端公春遊醴泉

和周正孺郡園新霽

和程濟治之秘監贈楊竦中立朝散

和呂開少蒙提刑家園茶

和張若愚子發秘丞同年見寄二首

和湖州文同與可學士見寄

送利漕劉明復朝議

送王求東之寺丞歸戎州

第十卷

五言律詩

效皮陸體藥名詩寄李獻甫

道中詠懷奉寄利州允南使君

和新城都知府鄧潤甫溫伯內翰道中見寄

奉節交承

和徐之才靈

和徐之才巡按見寄

和徐之才宿孔溪亭驛早行一云和劉漕

和徐之才春晴偶成句皆雙関餘宣中具寄

寄高梁守勾輔元發新安驛

武侯廟 瞿塘峽

東陽灘 施州道上遇雪

宿水轉寺 又云封水寺在通泉縣剝壠鎮

丁卯除夜

第十一卷

七言律詩

黃甘寄李獻甫 送宋構成之運判赴闕

送徐之才赴洋州 和刘明復鐵老君觀

寄潭州何正臣君表待制二首白二首

寄上范蜀公二首 蜀公和二首

寄上北京文侍中

和東川吳幾復辨叔朝議見寄

和陳圖南道中見寄 和李獻甫見寄

和朱牧宣德

運使李獻甫有書云千山萬水之間泥濘勞苦

不可勝言者因以詩答之

送梓憲鞏彥輔中散二首

和知資州許廣淵澤翁同年朝奉見寄

和周正孺遊醴泉寺蠶叢

和周正孺春遊

中靖二和李曼脩孺戶曹

和徐之才回紋

和刘涇巨濟教授

和呂少蒙蠶市書

六十年山前外之問

登宿雲亭賦短篇以紀故事

中巖封崇寺

在雲安上

呼李孺甫良寄

扶歡驛王袞居他梁承秀居今隆化縣李光吉

居今榮懿寨皆土豪犯法禁以取夷滅

三家兄書報荐起樓屋喜而有詩

寄陳蓬州圖南

和鄧温伯二首

送鄧温伯

和劉漕明復觀吳生畫

晉斌紫極觀

和題成都諸公唱和集

和刘明復再遊劔州東園二首

和徐之才喜雨

和徐之才鬻體

寄新先輩蹇頴子長書記

將過益昌先寄允南使君

楊壽祺

和楊壽祺承事見寄

送苗子君運使赴河東漕二首

寄李獻甫運使

獻甫和寄

和趙良弼初秋即事

甲子鹿鳴燕上呈諸秀才二首

重和四首 此與趙良弼酬答 和陳興州見寄

戲謝趙良弼寄意改山藥

問江巨源求茶 謝李獻甫寄鳳茶

再和 七言

和李曼長官約遊郊園 其弟毅亦有夢草堂

和李獻甫雲頂 和鮮于頃節推惠詩

下黔江 和王子巖南平道中寄示

寄賀李脩孺移利憲

牟仲甫作鷄終有意趣為予寫鬪鷄於驕自得

猶有餘勇困以絕句題其畫云

第十二卷

七言律詩

寄利憲張充宗司勳 木門早行

送趙悅道叅政大資知越州 二首

和鮮于子駿遊沙溪洞 先

興州坐卧二仙 寄子駿郎中

送李杞省句赴關 和子駿郎中登高

和子駿郎中文臺 和山路梅花

和清暉亭 和

送范百禄子功學士知諫院 二首

和苗時中子君運判亭溪道中 雙白猿

和子駿郎中清江道中

赴辟利臺呂少蒙運判以詩回贈依韻謝之
和岑巖起莫軒
賞梅呈李待制才元
還楊恬天隱長官家集

寄題合江知縣楊壽祺著術野亭

和呂少蒙題大卿林下軒

題馮公舉郎中清音亭

行縣道中遇暴風雨寄呂少蒙太傅

重陽寄文與可
過永泰文與可宅因寄

聞內舍榜將至
和苗子居新井道中

和蒲安行誠之秘丞遊烏奴寺

送李才元待制二首

李待制寄僧詩有歇定之語兼聞有岷峨之遊

因作詩以寄之二首

和普守勾輔元郎中見寄均逸亭詩

和賞海棠
送韓存寶

和岑巖起見寄

和後唐王仁裕舍人留題自然觀

與陳萬石

開州道中逢王子嚴中散惠詩依韻和之

再和子嚴
渝州春雪

寄仲賢朝議
王首龍大名
嵩叟父

壽春穆東美有節亭送李之純寶文二首

寄題希元承詔堂希元惠詩因次其韻

小溪丘尉父母年皆九十康強過人相繼受恩

命其固未嘗聞見樂道其美而形於歌頌焉

春遊戲題辛叔儀花園

和馮太博歸州春望

和八舍弟贊賢司理二首弟多貧賤之歎故因詩激勸云

再和二首再和二首

第十三卷

恩慈律詩

和周正孺與黃師是再和送師是

重和師是四首

師是見督鄙章重蒙劇韻率爾為謝

和師是宴思安閣和師是遊廣利禪寺

和岑巖起金牛道中見寄

和郭知章明叔途中寄并季能

郭明叔按戎瀘中見寄師是

和師是借明叔進藁

師是再示連東二韻佳句復奉和二首

再和二首飛鷹

和郭明叔宿資州山寺有作

蟻蛭和東美小池白蓮

輦下送李傑伯穎知潭州

黃沙村外歸食山子美宅

永安宮

送蒲傳正

赤甲再示畫東二歸野

答任著作鐮刀歌及寄瀘守張克明晦之求琴

送竇舜卿防禦赴秦鳳總管

和東方著作道中相示

端午日午時行衙後有卒捕蝦蟆得劔於草間

滴水巖寄何誠孺

過渝州

梓州至夜與三子分韻元豐二年

和鮮于子駿登高感事

和子駿郎中勝賞亭一作智慧鋪江軒

和苗子居按文龍四賢閣

題朝升碧琳亭和程監訪本廳賞白蓮

謝趙通判輒寫古詞以資觀覽豈期佳句過為

褒稱再嗣前音少杼謝言時寫胡笳詞荆公

寄李獻甫和汝漢臣

和明叔使夔偶成和明叔至青泥嶺有感

再題碧琳亭

都下書懷呈蒲傳正張孟孺鄧温伯其入四舉

和孔殿丞病中作四首

嶠塚廟

壁山許簿遺予文與可詩一軸且云其人四舉

不第貧病衰老子聞其言而悲之述此叙謝

答李漢卿

寄許少張

送楊宗禮供備知宜州

送徐敞都曹乞侍歸單州

秋吟

書張侍禁采選圖

留題御書閣

和徐之才食瓜六言

第十四卷

七言律詩

獨遊平蓋觀坐逍遙亭久之因留長句付道士

宋文稹元豐四年五月十四日

湖灘惡又皆為灘方過隆化縣

利州道中寄允南使君二首

和徐之才道中見寄二首

和徐之才過望星山和徐之才宿魚老驛

和徐之才玉枕和徐之才戲題故驛

和徐之才憇翠陰亭和徐之才別文江

讀王丞相新義山二篇讀三國志

果州平江亭

果卒趙良弼泐梓州按獄將子東川畫錄行

果寄以二絕公歎其佳然雖欲乞東川畫難許

和趙良弼道中見寄近城走筆答之

李獻甫題金泉山二絕

和李獻甫二絕

和苗子虛宿柘溪

舟中呈贊賢八弟司理四首

丁巳春正月三日府園見梅花尚繁因與李待

制有開晚却逢春之戲遂成絕句

和李修孺職方閑吟五絕

重陽晴遊禪林護國三絕

與嘉州文信太師題遂州粧樓五絕

山樂官

村居

和人阻風

古柏

第十五卷

挽詞

神宗皇帝挽詞三首

宣仁聖烈太皇太后挽詞二首

何規去則挽詞

韓琦君玉太中挽詞二首

鄧文約內翰挽詞二首

蜀州張太丞挽詞二首

程治之太中挽詞二首

故丹稜知縣李逢著作挽詞二首

張說樞言通議龍圖挽詞二首

安惇處厚察院太君挽詞

張公裕益孺挽詞二首

李才元待制挽詞二首

常大夫君璧挽詞 承詔先生馮希元挽詞

家退翁朝請太君挽詞

郭方進父承事挽詞 哭三家兄正臣

還李憲伯穎父洞明先生挽詞編

讀張祠部墓誌

第十六卷

書

上王荆公書

上趙叅政大資書 成都師林

與鄧温伯內翰書 上文太師書

再上文太師書 文太師答書

上穎昌韓玉汝觀文書

答范蜀公書 謝程濟大卿書 昭之東

第十七卷

書

上李才元待制納拜書

上成都路轉運使范純仁學士書

范學士回書
與孫永尚書端明小東

與李尚書小東
答李獻卿秀才書

答王時秀才書
文太師答書

第十八卷
文太師書

序
題跋
文太師書

送劉希道龍圖序
送陳伯成度支序

春秋通解序
海宇圖序

題處訥先生集後
題張子野小詞集後

與王從可詩集後

第十九卷
東美集

表
上東美集

賀同天節表
神宗上仙慰
皇帝表

慰太皇太后表
慰皇太后表

神宗大祥禮畢慰
皇帝表

慰太皇太后表
賀哲宗皇帝登極表

賀登極赦表
賀尊立高太皇表

賀冊向太后表
賀太皇后同處分表

賀太皇就崇政殿受冊表

賀太皇受冊表
賀太皇坤成節表

坤成節進奉表
坤成節功德疏

賀郊祀大赦表

第二十卷

表狀

利州謝太上表

又謝皇太后表

謝詔諭表

代張中孚峽州謝到任表

代穆憲東美謝轉官表

代范憲子功謝館職表

代穆東美謝

代高秉運使平叔謝再任表

又謝

提點夔路刑獄謝上表

謝弟丹授郊社齋郎表

代程漕謝曆日表

上表 代程正輔謝上表

舉知梓州張靖龍圖狀代作

提舉有事奏乞推恩狀代作

舉范比部狀

舉孫司戶學官狀

代穆憲東美乞差遣狀

代乞差遣奏狀

尊立高太皇進奉狀

第二十一卷

書啓

賀皇叔太尉書

賀文太師致政

哲宗皇帝登極進奉狀

舉岑太博狀

代李運使端臣乞差遣狀

尊立向太后進奉狀

賀儀同文太師

賀韓侍中鎮相州

賀儀同文太師

賀昭文富相公

賀叅政蔡確諫議

賀蒲傳政內翰

賀中丞蔡確

賀蘇子容給事判院

賀成都師張

又賀鄧溫

賀熙師

賀經制閣使韓存寶

賀路憲

賀梓潛

賀樞密呂晦叔諫議

賀樞密馮京大尉

賀中丞蔡確內翰

賀蒲傳正舍人

賀開封尹

又

賀慶師

賀利路許漕

賀迎梓師

賀梓憲穆東美度支

賀提倉

著作

賀提倉

祕丞

賀利守劉純之司封公

賀資守劉純之端公

賀成都判府李端伯

第二十二卷

啟

賀益師冬

又趙友真

賀列郡冬

又

賀運使冬

賀提刑冬

賀鈐轄冬

賀判院蘇舍人正

賀中丞蔡內翰正

賀益師正

賀漕憲正

上何君表待制

答賀邛州常君璧大夫

謝鄧綰中丞荐御史

謝梓路李漕職方舉陞陟

謝許漕舉臺閣

謝利路張憲舉臺閣

謝梓路陳漕舉臺閣

謝成都路運使范純仁季士惠書

謝利漕

利州上任謝史館王相公

任夔憲止史館王相公

謝門下中書

謝樞密 左丞 右丞

謝文太師

謝孫舅叔尚書端明舉監司

謝宮使龍圖

第二十三卷

啟

回謝本路知通

回渝守

回謝外路職官

利州謝提刑席朝散

利州得替謝鄰郡知通

面謝本路漕

回合守

外路

時席幾道已

對

果州到任謝監司

答家

禮教授

謝勾士良大夫

與熙州

張樞言問候

謝羅守天錫舉京官

代范子功謝兩府

代穆東美謝兩府

又

代東美謝益師

代東美謝西京尹

代東美謝西京漕

代東美謝梓帥張子立圖

代東美再謝西京尹

代張中孚峽州謝啟

代梓漕程正輔謝宰執

第二十四卷

記

普州移州學記 并詩

中江縣修堤記

碧琳亭記

修寶塔院記

梓路憲司修架閣庫記

夔州開池記

武陵縣社壇記

辰州沅陽館記

第二十五卷

誌銘

中散大夫隴西郡開國侯李公墓誌銘

汝南先生墓誌銘

第二卷 太博母太君子氏墓誌銘

壽安縣太君汝氏行狀

二十七叔母誌銘
三家兄墓誌銘

第二十六卷

誌銘

故朝散郎閬州通判張君墓誌銘

大理寺丞王東之墓誌銘

景彥聖墓誌銘
鄭大夫墓誌銘

馮信道墓誌銘
遂州楊府君墓誌銘

劉著作夫人任氏墓誌銘

朝奉郎趙君夫人劉氏墓誌銘

第二十七卷

祭文

神宗皇帝祭文
祭李待制文

祭鄧祠部文
祭范大夫文
名于儀
字仲存

祭何誠孺文
祭張學士文

祭鄧文約文
祭李端臣文

祭鄭愿叟文
祭三家兄正臣文

祈雨文
祭安村龍洞祝文

第二十八卷

奏議

上封事
議放鑄錢狀

議免役狀
議邊事上熊本察訪

第二十九卷

雜著

夏太師贊并序

灌充傳

竹書櫃銘

李希哲真贊并序

楊二啞傳

猫竹說

第三十卷

雜文

跋周遵魯梅龍圖唱和詩二公詩附

留題梓州江東普慧寺

代羅夔州天錫作陳漕劄支詩序

又代作陳漕西園十詠序

州學試策題二首

記畫

目錄終

安岳馮公太師文集卷第一

五言古詩

幽懷十二首

秋風蕭然起喬木葉飛翻勁聲薄以怒肅氣傷無痕

洪鈞運不私至義中有恩華滋脫塵滓生意還本根

昔入六其二

嵯峨羣峯高蒼鬱萬木滋一容樵夫手悞落長松枝

煙雲慘無色禽鳥鳴且悲人心不為慮山意從此衰

其三

晚林脫餘照栖鷗上林端危枝不足踏七殊未安

相乘狐狸暴寧苦風霜寒微生尚憂患物理幾相殘

李勃隱嵩高愈退名愈重區區水南北一呼輒為用
治激本同轍出處或異動善閑不可窺少室有餘頌

少年氣力壯巾車駟遊歷行人不能到貪遠未有適
昔人六十化萬事豈如一誰為持寸光環中照心迹

高架環四壁古書浩卷萬腐儒坐相守大義老不斷
群言幾可用吾道一能貫巨賢已經世博士方浩嘆

秋後無多日山中已倍寒虫聲聞壁脚霧氣出林端

農事黃時畢天形碧處寬騷人方適意白露團幽蘭

吾羨畦有蔬吾飯困有粟人事少還往山田自充足
鷄犬盡日閑藤蘿照門綠物外乃如此熙熙古風俗

中呼楚比死瘼走華氏驚仲尼厄兵守不輟弦歌聲
外物匪憂患中懷自險平古人縱天機以道不以兵

鷲禽出東海矯翮與天鄰初從網羅誤遂與講臂親
一肉恣主意擊搏豈為身飛上山間雉耿介不可馴

其十
其九
其八
其七
其六
其五

山溪漲易涸為無千里源桐孫統雲枝下有百尺根
物理不虛發本厚末始繁功名豈易力猶德資深蟠
不知所從來意氣行軒軒

十二

花草弄顏色盛衰數日間富貴無定姿迭起如循環
外物偶相附固有不肯還造化弗示私力禦何其艱

春意

賞花不須折一折春思闌飲酒不必醉一醉無餘歡
相知共清賞所屬聊孤彈朝繁坐臨池暮惜行逸欄
醒醉無異趣開落同一觀鄰花隔墻悲憔悴枝葉單
鄰翁貪醪酖疾起春向殘但知芳菲意常作悠久看

送鼎倅陳安仁虞部

四言

峨峨陽山民資以仁僭陽欺天不需不神而乞於民
泱泱沅江城繫以寧橫流潰川不畜不靈將坎於城
暴政殘俗劇於懷襄猾胥擾民甚於凶荒借公後時
吾民幾亡舞公入城若旱而雨若霖而晴頌公之還
孰靈沅江孰神陽山

題澧州石門縣蹇周輔蟠翁太博三愛堂

石門險且僻人煙萬山罅蟠翁老才望來此屈英駕
破漏煩補綴嘖呻索慰籍力致乃坐享少勞豈豐暇
臨觀闐無有游燕久以謝廢園近城邑丘墟甚原壩
高松困藤蔓嘉菓沒荆柘斬荒使之出蒼翠若圖畫

直前走橋閣當中建臺榭雍容賓朋席左右書史架
命亭以三愛作詩盛誇詫韻險語恠絕竊讀驚汗下
嗟予苦羈束相去止教舍深思一登覽若渴不得爰
知君群公表甫為兵民借復以三者樂何時動歸靴
吾鄉富風景草木芬蘭麝錦水清於漢岷峨不讓華
蔡圃豈足道寧為耳目乍苟以吾言然煩君少譏罵
吾乃謝夔守賈昌言禮賓

伯樂善相馬相內不相外造父善御馬御成不御敗
沙丘有病馬志遠力未憊盤身怯泥玉俛首困草稗
強起時奮迅悲鳴輒暗噫駑駘倦相逐童僕幾見賣
斯人一回顧世俗始驚恠莫北有駿馬散蹄兩蹶快
去勢馳滅沒朝荆暮燕代銜轡尚庸拙道途足險隘
斯人一棘手千里瞬息屆二者豈不偉繫人而否忝
相也命所係御也才所賴名馬世常有伏櫪固有待
伯造不世出古今重遭會相得互相起兩致一無礙
所以馬與人功名各自大

與蒲宗孟傳正察推

五月熱無事訟庭若掃刷眼底簿書靜獨坐癡悶發
上馬出門去不避煩與渴幕中訪賢友且欲紓擁闕
洒水延我坐解帶意思活清談破塵滓快若飲冰雪
青衫雖同服所處類巾襪道均語言合殊不間毫髮
十篇詩揔解金玉自磨憂徃時草讀恨不見本末全

編使我盡萬漏都一括諸君好詩學論議每相軋
破碎失本源于嘗見七八聖途又荒廢矜君力鋤鏤
漢安隆中集應和類控褐馳騁氣力壯嵩岱可手揭
形容若繪畫譏諷過賞罰迴頭索平淡春興最清越
意外得真巧漫不露彫割此皆緒餘尔太倉出圭撮
予雖素無聞少小頗姦黠僻適追古意芬芳慕賢哲
獨自狂妄走屢遭流輦喝中道偶成病兩眼痛欲瞎
見字輒昏霧恨無金篦刮凜憂痼廢那更尋舊札平
生志高遠縮小僅如鉢又從縣道來屈強且回拔音
跋吏責常恐嚇民事日喧聒中煩變憔悴餘憤成嘔
噦噉嚙脫未去俛首就一秣大叫雖忼慨壯圖已銷

殺清華果無分看人起門閥羨君名聲好風誼縱超
拔憑陵欲軒翥去勢不可遏然猶滯已徵官况飽辛
辣始初未識面展手思挽撮相值偶相得青松引藤
箸意氣始投合底裏盡表察文字本非敵輕舫觸巨
筏雅趣均薄高論借迂闊窮中煩慰藉何異魚吮沫
俗態重趨走仕路饒險滑且當學鴻漸不能助留握
窮達盖有命運轉隨缺扎盖棺事始定嘗聞古又說
功名儻可期因君為尋撮

長陽館

辰陽號難理五溪地相跨邊巨重綏撫蠻獠愈驕詐
封陞苦侵暴文書困訛罵誰為太守樂一笑不得暇

張公抗辰旆烽障幾欲罷偃息有餘地登臨無一舍
迺興辰陽館城東兩山跨泉聲落溪谷湖光照亭榭
花木親種植朮僚日追迓投壺征虜祭園基太傅謝
高風邈難繼維公並驅駕有客嘗一至席叅鄒枚亞
覽物言思閣醒魂耳目乍欲記傳之久恨無文章價
願公賁泉石遊宴日來藉新詩上碑刻佳景若圖畫
旦暮趣召還歸為中州說

開州盛山十二題

宿雲亭

基構白石層風物青山園野雲憲幽寂長遠軒窻飛

梅嶺

繁梅照溪谷蜂蝶殊未省巖風莫吹落留粒臘前景

茶嶺

新萌雨露穰嶺頭春味足綠雲採禎人爭收火前綠

流杯渠

為愛泉石飲屢招賓朋遊浮觴來不倚一水循環流

隱月岫

月從海上來清輝長礙山山前愛月人唯看亭午間

盤石磴

數步即一息始知登山勞盤上竹徹時跡與心俱高

故廬沼

中虛得嘉名水清石環上
天边侍從人來照冰雪顏

中虛對琵琶亭

片石胡琴槽構亭事登臨考功閑中樂非好世俗音

殘步明一桃塢

聞說舊桃塢歲久無殘枝春言已不到猶有風騷知

御史來山中拂石當優游非入勿據茲恐為山神羞

為愛禪翁遊漱泉聽泉音何當酌清泠洗我塵垢心

倒影蔽山骨引根出崑腹誰人萬仞間團團種青玉

繁林照溪和程之才正輔歲遇

天理貴自然枉直各有病人情隨所得是非本無定

此身寄軒冕心與萬物競低回就銜策跳踴落机穿

巧求固為累矯枉亦過正持之有原本出處一以靜

所守以吾道所安以吾命不驟窮馬力决不暴虎性

富貴偶而已勿使憂喜並感遇唯我知無言為心聽

馮公大師文集卷第一

富貴而止... 命不難求... 安不暴虎... 此亦固... 五卦... 京本... 出處... 以精... 其自... 神... 與... 萬... 詩... 所... 回... 歸... 業... 擬... 翻... 詩... 宋... 六... 戰... 資... 自... 然... 珠... 宜... 各... 百... 餘... 入... 神... 聖... 所... 賢... 非... 本... 無... 安...

安岳馮公太師文集卷第二

五言古詩

越公堂

古賢重遺愛跡與江山遙
夸者恣而已事隨草木彫
越公彼何人構堂壓山椒
四阿無寸支千載不可搖
自銜神鬼工已窮草木妖
吾嘗讀素傳拊髀悲前朝
無從借史冊奮筆誅姦驕
尚能毀茲堂立使沴氣銷
灑灑灑灑
巨石當江衝江水皆倒還
夏秋水石闕怒浪高於山
長年欲下峽防石如防姦
乘流一無脩拳石皆險艱
獨使艷瀨誇千載不可刪

武龍南浦南秀拔異衆山下有崑洞幽嵌虛隱玄關

武龍南浦南秀拔異衆山下有崑洞幽嵌虛隱玄關
岑公江陵來一寓不復還養神脫塵滓百歲如童顏
至今遺像存寂寞空幢幡老相壯人氣清泉遠回環
暫為物外遊偷向壺中閑叟其靜者歟深藏厭喧煩
或將避擾攘甘此石穴艱不虞身後聞曼若高難攀
萬事皆偶尔多在功名間四何無古交不處不百計

温湯寺

温湯氣如蒸冷泉寒於冰並流不相入
淘湧爭奔騰佛廬煥金碧法地何時興
二泉灑其間回環清且澄維舟愛古栢
磴道垂千層殿堂絕纖埃瀟洒嚴香燈

敲欄施魚食弄水搖懸藤一掬洗病眼再漱祛煩膺
遠訪豈憚勞勝遊誠可矜外對巖岫
巴山俗可厭萬疊誇雄偉江前一峯秀青林帶孤起
長舟截巨浪平舉登峻趾古寺隱山背
來造神已喜清泉遠脩竹野徑入葭
葦女媧舊生處石砌勤戾止聖神固有
合天作非偶尔玉簡事恍惚越書莽非是
孤亭凌絕頂坐有千古意二江錯交會
比屋聚紛蟻把酒一長笑忘情但高視

塗山寺

豐都觀
橫江聳孤峯陟巘訪山境脩廓轉空曲
古殿冠絕頂

橫江聳孤峯陟巘訪山境脩廓轉空曲古殿冠絕頂

漢相撫骨立唐碑獨孤挺高路自軒豁遐追若俄頃
長生畫室來避世或箕穎逍遙奚所適遺事傳緱嶺
藥崑已無竈煙雲但枯井風前凡幾過物外初一省
清風誰與遊高步踟躕難聘二詩文會三景亭四
望軒回利州漕字八景示王簡事五對遊書六非七長
青泉八首會景亭九舞臺十文十一尚書十二史十三通十四五十五賦十六禮十七文十八
天下臺府勝益昌囿佳山使者高世才秀隱林樾間
仰山復仰人昔旅無由攀辟書就始志來若遊子還
吏公實賓從與脫簿領艱會景駕峯出碧玉森周環
棟樑宿雲霧欄檻平江關杖屨從公遊蘭散萬慮閑
酒隨至樂盡詩到無疵刪經年若朝夕語去涕欲潛

屬余省親闡看公趣天顏此會不可再鴻鵠方高翔
八詠風蹟存二江聲潺

巽堂

燕嬉各異處君子時以居虛堂背沼開面直東南隅
林巒照几席花木紛庭除委蛇外不煩浩蕩中有餘
雄一臺府間寂若山中廬美景開宴觴清談會賓裾
孰窮吏隱趣但見民情舒鄙夫不知要僕二困簿書

桐軒

幽軒處清奧前有雙桐起婆娑勢初合脩篲意未已
茶分竹崑路根漬石沿水秋聲動素琴曉影覆齋几
主人相對樂性靜窮物理純音藏未兆孤幹直不倚

安得千仞禽來哉共棲止

栢軒

昔時栢未栽榜杏為軒名栢今已可愛題栢軒始清
賢者安厥居中懷眇無營日來對栢坐心適眼自明
草經謝今說寄意遺俗聲落守歲寒常恐為栢輕

竹軒

翠筠清人心愈少愈可愛風騷靜中得一室處以泰
北軒隱吟几復與此君對泯默追古意蕭森散秋籟
淡薄世鮮味俛仰誰與會七賢非吾徒心猶有名在

山齋

層層梯峻臨步出杏花何人破峯臆碧瓦臨踈篁聊

休邈回睇入物分毫芒惟見臺府雄三軒鬱相望
不知身從來但覺凌空翔窮高自茲始寶峯磨蒼蒼

間讌亭

徹頂造間讌據欄俯山齋軒窓蔽脩竹磴道懸蒼崖
登臨快雙目應接煩虛懷羣峯病擁闕次第隨天開
物色無定姿變化紛難裁高吟絕儔侶但携清樽偕
物理醉可一逍遙付齊諧

寶峯亭

益昌萬山間寶峯秀惟獨使臺俯山下氣象互盤覆
鬱勃尚南走回環已西屈古城削千仞危棧轉幾曲
錦綉紛上頰琅玕翠搖腹亭榭何參差遠覽意尚局

絕頂躋室峯超然脫羈束城市裁唾落二江可手掬
重開固天險大道不停轂古意劇滿眼人事傷轉足
主人始經構高蹈非絕俗幽懷卷雲霧長笑動崑谷
鳥雀爭脫林冥冥有鴻鵠寸步異出處虚心見榮辱
屈將經濟才分繼騷雅躅語默固可傳誰為室峯錄
中林山谷間出沒緣畏途梗楠蔽白日落落樛棟軀
半為野火燒摧頽委樵蘇清泉勞奔注亦為勢所驅
微芒濟物心到海何其透吾物處其一進退難與俱
置身木廡間恐非斯人徒

西縣道中

漢水引我行梁山邀我坐山水已清絕春容碧相和
下馬取酒飲梅飄酒中墮日落醉不去青茸草間卧

巴子臺忠州

早渡鳴玉橋竟登巴子臺雲林擁磅礴磴道窮蒙迴
古寺不足觀猶有南軒開浩蕩橫深溝迤逶環覆椽
古人去我遠萬事隨塵埃赤穴何渺茫青山但崔嵬
聞名不知實此意空悠哉乍到輒復還石滑倦去來
苟能厭耳目未免勞筋骸

馮公太師文集卷第二

安岳馮公太師文集卷第二

五言古詩

答王載監簿惠詩依韻

梓士多好學獨君用心苦始策萬里足相期一言遇

荏苒去歲月差池晚途路清節撓不變鷄鳴任風雨

一日起仕進光華照門戶謂予嘗遊從復此再會聚

清談語言約老筆文字古新詩忽持贈病目駭觀觀

蘭芷得遠思從茲識賢矩草木變秋節悲風襲原鹵

自可追賦詠何須倦貧窶感慨無俗音虹蜺俟重吐

答江安尉鮮于頌野翁

寶峯首相聚錦屏袂一判音容阻良覲歲月嗟易換

我觀潼江曲君尉瀘水岸到處逢酒徒無人作詩伴
南風灑襟袖佳句適我願汶蜀幾萬里信息偶中斷
三軒風雅會蘭條各分散孤吟少儔侶衆喙易嘲噴
念君同所嗜路近聲可喚唱酬實相卷牽率豈辭憚
鹽、郊籍心無為簿書亂
送梓漕李竦端巨赴闕

道途去無窮歲序嗟易改相知念遠別遇物增感慨
悲懼勞寸心煦沫異江海南歸得嘉報迂掉若旋凱
机穿觸不發神明悅猶在名因困愈重事雖晚可待
去就勿自謀冥、付真宰

和李曼脩孺職方謝梓守張靖子立龍圖遊春

潼川侈風俗一春事嬉遊太守與民樂高會邀良儔
年豐廷無訟日夕為歡謀賓從相追隨景物多訪求
名園布步郊寶刹依重丘紅旗肅冠蓋畫鼓翻倡優
人情殊未央春意亦少留最後司馬至為羅東山羞
觀碁緩帶閑試茗澄心幽獨狂但醒醉感慨還唱酬
清尊未放手急景如轉頭分司飽餘味經世志遠憂
來時蚕始眠歸看場中趁人生苟適性不羨萬戶侯
丈夫負壯氣安知餓填溝得志位卿相失時歸田疇
紛、素所輕太半登瀛洲肯為五斗米折腰趨道周
區、事筆硯頂踵稱恩麻酒酣且勿去為我新聲謳

再和

飲酣起擊劔，耻從豪俠遊。雍容詩酒歡，乃是神仙俦。
風騷固有靈，造化陰為謀。至音苟同調，曠世不可求。
杜陵思江東，洪崖揖浮丘。自然風味殊，豈特文章優。
嗟余萬事拙，吟詠心久留。自媿蘋藻微，恐為王公羞。
晚遇清河公，採蘭深林幽。脩孺素蒙益，百贈無一酬。
邂逅相撫掌，踉蹌容擣頭。雖然再鼓衰，且免三爵憂。
見蘭亭 吾儒學以仕，本代親禾麩。然多志高遠，擲筆
思封侯。前時征南將，驅虜出塞溝。詩書非無助，爵賞
不見疇。尚能解客嘲，相歡頻詠洲。三術起商鞅，一言
貴馬周。致身果有策，何地無餘麻。肯使韶濩音，變作
巴渝謳。

再和

予始十五六，學賦場屋遊。聞君聲價高，已與班馬儔。
少年取科第，復有經濟謀。孤聳不世合，獨行無名求。
中道多遭迴，病驥盤沙丘。起為瀘南守，政績稱最優。
東海尋免歸，穎川尚借留。慷慨壯士懷，肯效兒女羞。
投紱還故林，泉石甘清幽。區區尚遺恨，君恩未能酬。
迴首名利場，髣髴裁蠅頭。君看縉紳士，誰為天下憂。
人情重軟熟，要若新炊麩。嗚呼！至卿峭拔奇，不俟
一言反覆手。平地生重溝，世務傷賈誼。直道危田疇，
何當與推移。歸釣滄浪洲，功名雖難期。歲月良易周，
清風出襟袖。散為生民庥，無使梁父吟。只成高唐謳。

苦寒寄任瀘州使師中
嚴飈甫林莽暖日沉煙霏遊子事行邁慘淡凌霜威
斂策倦脩阻迹往心自違層雲眺孤鴻徊翔鳴無依
雍容念儔侶欲息洲渚非此地正苦寒盤身西南飛
名因南山出迹為南山止少室價自高大勞招不起
君恩動林壑古道變閭里堂下松桂栽清陰從此始

除夕

一年條已盡四序循無端倪女競別歲隨蔬具杯盤
長歌感時節却羨僮僕歡明朝四十六重把青銅看
幽懷

天地有常產貨殖非善謀桑耿發機械已動莫復收
割膚啖其口一身相為讎世餒味邪說十九成贅疣
興王非管商極治無裴劉

獨坐

兀坐窻牖寂桐葉擲瓦響哀彈動秋聽遠寄勞夜想
檐荷幾路面自求不盈掌未躍且自固欲高又誰獎

有作

名塵媿屢拂世垢思一澣急索脛已腫虛驚皆獨汗
窘步裁免跌高談卒成謾辰去將奈何磨頭髻如彈

郊外

杖僻走世喧吟靜追古意解巾卧柔碧虛懷揮爽氣

漏竹日脚紅出亭山尖翠偷閑興未足遲遲動歸轡

城南

散雪郊外風含晴霧中日江流淺可度潺湲弄幽石
長堤塵未動遊子念遠適行止慎厥初輪蹄有遺跡

馮公太師文集卷第三

安岳馮公太師文集卷第四

五言古詩

送王審言秘校潞州法曹

上黨綠青冥勁氣西北隅黃河天際來草木冬前枯

其地號嚴冽燕隴莫與俱氈罽護性命冰霜結眉鬚

土人一犯寒斗酒沃始蘇中州宦遊士未秋先嗟呼

我聞已心慄凍粟生皮膚而君風雪間徑作壺関趨

少年始任氣慷慨若有餘自為功名行不憚氣候殊

大我熾將滅鬱屈迎天誅幕府收英才富貴往何畜

埋頭簿書底齷齪終非夫功業彼何人送子誠起予

送張子立龍首知鳳翔靖

公家濟水源愛蜀人公凡五入蜀東峽西岷岷門生
變交遊故舊成姻親蜀味皆吾食蜀音即吾民潼
川最後至既至情亦均惡不待公刑善不須公仁
雍容如一家笑語聞四隣山時參公府聖鼻看芥芥
舉動出至誠悠久疑為神詔書西出關馬首北向秦
遲行客辭家擁別兒戀親公歸且大用願蜀還無因
風收彌勒花雨壓長平塵滑臺為公壽公飲不過唇
樂我奉公歡榮虞適茲辰物色莽牢落人情浩酸辛
已辭尚可聽少駐雙車輪

送蒲安行誠之秘丞興州簽判

春郊散輕靄日出車馬動看君曉裝發送客尊酒重

衆人別良易我別情靡共飛纓轉山曲返頸即成夢
雖夢去柰何不夢存者多一言起相顧慷慨成笑歌
清吟散泉石醉墨蟠雲蘿人生若汲汲浩浩如長江波
江波西南流君行方北輜林深足豺虎路廢空亭郵
處常山中居出亦山中遊不嗟吾道窮每為斯民憂
民竟何為從事猶俛眉晚達十六七萬事懸難知
但窮聖賢意莫賦離騷辭有得常記我以尉朝夕思

謝人惠充墨

故人山東來遺我數丸墨掘丸大如指鹽手重拂拭
濃磨向日看古瓦增潤澤經屑不見紙清光隱深墨
書云舊所秘聞今已難得庭珪死已久至寶世罕識

御府從近存人間萬金直充州擅高價比歛固少抑
古松亦將盡神奇漸衰息文章不見貴筆研豈可擲
牢落况此君雖精淡無色怜君情好古投贈兼以臆
世事持此觀噫嗟共冥默

送梓憲穆均東美度支移京西漕
剛強多少恩寬厚或太透峭直病不通聰明至無徒
達人固貴全天理常不俱自非蘊明識暫解輒已紆
穆公淮海英厚重如魯儒疾惡鸚逐雀養民烏哺鷄
斷獄求以生好善久不渝孰謂公太嚴威姦而惠愚
孰謂公太異中異外不殊然猶蔽高潔不肯隨世趨
美成固在久巨材期營都西京近日邊漕領出帝俞

使權雖云重吏責意已麁財利較主撮法制環刀及
天聽早不遺人言紛可虞公心公且明應手萬事無
階此將顯用逸驥臨長途山也乏材技盤薄困守株
身浮一芥舟業散千金屠衰遲恋鄉曲從甯歲月徂
擺袖不願行俗指爭挪榆惟公最見憐情或昆弟踰
每怜沙丘病不作飢鷹呼秋風惜遠別時去逆轉孤
飛黃轉騰踏斥鷃甘槍榆外沉各異勢從此忘江湖

送梓憲胡揆少卿赴闕方求宮觀

富貴一畧味謂嘗須過食功名萬鈞器負趁少量力
不勝苦尔躄不厭傷尔臆誰能達涯浹百動靡一息
古人去我遠獨公抱清識進退處以道始終完無隙

東馬切嚴召江湖正遙憶賢達事如此貪懦猶且惑
是豈時俗知聳牙相喊嘿

利漕劉忱明復見性堂

鑑蝕磨即明水渾澄斯清雜然外滑銷道在虛中生
達哉彭城公養心浩無營一覺自復本妙用皆隨成
性通儒佛間大抵寂與誠云見非見故執見流為情
名堂雖取相證實不證名文書每叢委賓客茲逢迎
二諦本無礙安知堂虛盈優游寄真賞接引開羣育
登堂一開豁灑然塵勞輕

馮公太師文集卷第四

安岳馮公太師文集卷第五

五言古詩

謝梓漕李琮獻甫寄餘甘

戎南煙瘴地草木富嘉實名菓蓋數品餘甘乃其一
爛熳經暑雨駢繁向秋日顆肥櫻綴圓膚嫩李帶碧
始嘗猶餘木酸澁固可斥稍味復土性華池變瓊液
冷冽祛酒毒香芬破茶癖豈徒雜肴核自可名藥石
東蜀部刺史江南夸聲蹟道與荆公合詩為梅老敵
邊機屬未靖使指煩遠適絕塞偶相值慇懃為珍惜
殘菊雅趣尚咲薤清讌逸分甘病漳守筠筒手封幕
三年官大道襟抱塵土積語言變為市風騷蕩無迹

開封命深雪一食至六七冰霜快口吻塵空併疏滌
古意還五藏清風生兩腋與公始邂逅一言甚疇昔
生芻感厚意香草慕前述人道成以友直諒久無斲
磨勵出鋒刃切磋至圭璧爭友本仁義拂士忘疹疾
或矯有所正或投有所激始逆濟以順始疏要以密
物微可以興騷雅固採摭公行浩河漢効賦滄益不
為小人腹俗始餒梨栗不作兒女口甘滋事館客
庶幾功名會或在交際出相知雖意喻欲報粗言息
追繼橄攬篇慙無翰林筆

送李獻甫知吉州

六經出晚周日月懸太虛幾蝕復幾明微茫炎漢初清

識隱虛粹高風激貪懦翩起江湖泛雜見鴈發
揚始使蜀奔走非素願郎官雖內遷栢去才一間
朝廷訪耆艾人物尚清簡騫騰自茲始寧慮歲月晏
區無足道鄉社久息偃未契許投合相濡念孤蹇
逐翻舉莫追寫步行輒跪把酒難一往開琴試重援
別鶴如可彈新聲謝悽婉

送上官基察推同年

我蜀君閩中相去萬里餘同年皆白頭此別當何如
君行久或祝一出無停車相忘豈人情時寄西南書
送夔漕王宗望蟠叟大夫赴闕
君子不苟然每以中道居處身槩有常為吏形其餘



原件短缺

太原大夫公使蜀元豐初蝸蟾沸清書交道狼與狙
公時於其間素蘊唯所據紛擾目不瞬開濟心自如
蜀人恃以安至今芬名譽更駕漕三峽應手民瘼除
道逢惠澤新禁網闊且踈攫噬化為麟奔馳不能車
公無異他日法度方得梳均齊即人心簡易平徭書
天邊促嚴召歲晚巾歸輿老成坐廟堂收實攘浮虛
有常豈易得見將已歟行看步臺省自可風簪裾
非才共封略况獲遊門閭贈行期有知公當知予
臆雪洗頑碧晴晝浴澄駭物色玄磨錯清輝深不度
滄浪與少室幽入罕兼見少憩託高懷回頭簿書倦

題范亦顏聖鄰同年集後
聖鄰生西南豪傑如山東個儻負奇節脫身起蒿蓬
文章學西漢不作雕篆工東京太學生議論傾羣公
高適遊大梁馬周隱新豐酒酣吐素蜺意氣橫煙空
翻身落州縣束手如兒童無人解秋隼磨天看飛冲
黃鵠垂兩翅飲喙鷄鶩籠始知命使然甘作異終
資陽教尺墳萬事隨秋風相從嘉祐初擊發每見蒙
死生雖云異坎軻略已同然猶有子弃孤芳秀玲叢
慷慨悲父書收拾塵土中蘭山四百首玉佩清玲瓏
餘文隱圭璧夜氣如長虹古人身後名乃是不世功
蜀士去不朽存者唯卿惟有子兼斯名昔否今始通

聊書附篇末相與傳無窮
熙寧八年七月安岳馮山允南至梓始踰月出篋中
文字筆硯求置間燕處得愛石堂乃前倅府事秘書
丞嘉陽李克俞所建而石無有也訪之得雙石荀於
北垣下叢篠陰翳中上有王舍人克真八分書鄭祠
部文寶玉箸篆皆自寫其銘記與詩也拂拭洗剔復
歸於堂之中庭屋以版環以苦竹每公退次第取書
卷略讀誦倦則撫石看王鄭字法清風蕭然石氣
襲人既而又得李記於西廡下噫奇石古字蓋無事
於世俗之用雖時或見賞而廢棄常多豈物理固然

耶因係之以詩刻於李之碑陰
雙石非梓石厥初置者誰埋沒不知歲復有賢者知
三分逼漢邕鄭篆源秦斯令人竟未及墨本收清奇文
字相稱古銘記兼以詩鐵畫隱石骨蔚屈蟠蛟螭李
丞嗜奇古見石喜且悲耽建華屋落刊豐碑介
來三十年堂在石已移幸未仆作橋上有車馬馳缺
折從瓦礫壘為垣墻基一見叢篠間若與平生期清
泉去塵垢始露金玉姿慙慙還茲堂如毋逢厥兒對
以古書卷環以秋竹枝勝舍結高義出處相與隨
夷齊秉達節顛沛不少虧豈事燕處玩可為終身規
嗟石何有三賞百見欺好惡凡在人顯晦若有時

官滿當捨去弃置無復疑聊書告神物為我當護持
夷齊東送二十舍弟赴金堂簿冊
巴中倦奔走歲暮增慘戚瞻望幾奮飛那能季行役
距家才十舍身苦萬里適臨老如別何相看數歸日

馮公太師文集卷第五

安岳馮公太師文集卷第六

七言古詩

青塚行

郊外日暖春溶，十里不斷人相從。填填車馬上墳，
去踏盡青草。行人蹤松栢影重，楸菜開一區塚舍全。
家來展看，酹酒聚頭哭。盡更把松楸栽，隔谿青塚。
高魏，磚片露出空餘碑子。孫因官往南北，溫暖時
節無人知。虛有官階，又無食。舊日松楸已荆棘，不及
尋常百姓家。泉中却得兒孫力，休休有子莫願為。
公侯有孫莫令從，官遊每到年。寒食節尚有一
杯羹，來到墳上頭。

鄰家婦

鄰家婦一貧復一富
舅姑愛憎苦不常
憎貧愛富多
心腸富婦初嫁時
身上輝光舅姑好
財不好
義婦道無復較短長
不如貧婦巧且勤
巧能養家勤
養親君不見古來烈女傳
往來多是貧中人
鄰家婦
一為烏一為鴉
貧婦慈孝富婦驕
州州州州州
去說書俠少行入湖
付醉深更如茶開一
副社舍全

山東自古多才雄
輟耕隴上羞為農
鄉兵名在萬選
中一日聲價聞天聰
十石弩力三石弓
殿前野戰如
飄風白錦戰袍腰
勒紅詔容走馬出閭闔
闔都人仰看
如飛鴻歸來意氣人
誰及道逢刺史猶長揖
邯鄲白
日袖劔行振武青樓來
醉入傳聞留後收蘭州
姓名
御筆親點抽府金百鎰
輕一擲且向塞外隨遨遊
自此鋤犁變任俠
夜事椎埋晝馳獵
有田無人耕
有子不養家
田間父老長咨嗟

採樵行

朝霞朦朧入林塢
零星背篝腰破斧
田家無田有門
戶不免將身犯豺虎
禽驚鹿寒丁丁一篝
數枝千萬
聲嚴風裂膚催出白
入澗飲水飢腸鳴
縫無尺布
春無粟菜根掃菜燃
難熟留柴趁市將
輸官一錢不
救長飢寒年年採樵
漸少官家苗役無時了
路傍栢

路傍有栢千尺高數夫連臂環周遭十里煙雲讓蒼
翠一天風雨寒蕭騷縱橫萬蛇入土闔扶搖千騎盤
空走豈能霜雪歲寒知自有江山神物守五月炎光
燒草木相影重似華屋往還不擇貴與賤借與清
涼解炎酷本來無情松與木偶然相值如相親貴侯
餘資萬鍾祿不到流離親骨肉前時伏節徒東歸觀
望風彩爭奔馳族中俛首彈指意安用富貴磨天為
誰人試從貴侯道莫從此路爭榮耀恐為路傍栢輕
笑

黔江

黔江遠從思播來黔中五溪此其一東出涪陵與涪
會日抱嵐光照城壁去年黔安方解纜又倦崎嶇喜
飛疾驚湍駭浪或當道萬馬奔馳兩鋒鏑偶然劃過
脫重險千悔中流無路出瞿塘乘漲秋下峽猿啼穿
流夜投驛魚腹未葬身尚在虎牙屢磨兔已失平陽
一歲却歸來還向江前酒重瀝

八陣磧

永安宮前瀼西磧萬流峽口爭奔激秋濤卷地裂山
谷水落依然陣番出陣形聚拳六十四傳是武侯親
手跡斯人管籥豈足道身在巴東心漢室從容所遇
皆法制浩蕩胸中萬分一陰機暗與天地合壯氣曾
將鬼神役至今千載屹不動渺莽幾深難致詰豈徒

豪傑重嗟賞應有神靈長護惜廟偏裸程七壯士酒
炙紛走巫覡萬事顛倒皆偶然卧龍無處沾餘瀝
不祠禮哭景館吏立之

去年四月二十七親見進之沒破盤今年二月十三
日又聞立之死踏白身膏草野心為誰區身後猶
讒疾進之一子父乃得立之一子稱特恩死封疆臣
古所重千載烈士多銜冤立之才武世少敵胷中意
欲吞河湟將軍一劔義自決塞上擾多奔亡前功
委棄不復收李葵下士皆封侯生人欺鬼不解語天
道反復終相離昨得二月三日書猶云持重破賊鋒
等閑入事祇十日使我淚落親書蹤上終不肯捨山林

而來此持重以待之兒癡母老女未嫁實事無一虛
凡七日矣食盡當走名存相知抱恨寧復論誰為往弔洮西魂

答中江程建用知縣

嘉陵水落沙帶霜舟師治舟還故鄉中江一別三四
年人情風物俱依然故人寄我江前吟幽蘭調高無
報音流水話恨空瀉會合江漑下

送滿夷行秀才赴太學

漢唐諸儒經術淺事業不及文章多六經意義失原
本次第疏鑿成江河聖朝羣公盡禹力注海一導橫
流波淵源太學得至寶洗出光耀猶鐫磨聖賢德業
貴簡易一氣自在生中和鍼鑿馬蹄鑿渾池或恐純

粹成離訛君方茂年已知道歸涉浩渺登嵯峨置身
爵祿慶賞外人跡斷處逢丘軻

本六 寄題宇文之邵公南止亭

公南九亭名止亭不妄作名何為羣公賦詠得深趣
清絕正與斯人宜鋪張止義到無說使我下筆先
遲疑聖賢出處無定轍俯仰輕重爭毫厘云行非行
止非止由賜狂病淵騫癡公南少年負才術試仕吐
出胸中竒一言齟齬便投袂自道豈欲求人知公卿
文章強且起舉手謝絕無還期傳家萬卷書史樂負
郭五里松楸悲岷峨嘉景照硯席事攬輒醉醒仍詩
有時日晏卧不動鬱鬱經濟埋如脾太師竹洞枕温落

龍圖藥圃臨清伊二公止迹不止道力與名教相扶
持令君所處近伊洛道在不必分高卑文章自可敵
行事苟孟皆我知為誰亭非俗亭止石止人物不到
西南歎

馮太師文集卷第六

蘇文公集卷第六

蘇文公集卷第六

西園雜記

蘇文公集卷第六

安岳馮公太師文集卷第七

蘇七言古詩

潼川昔迎公西來益昌今送公北迴

常平使者豈公志遠地久淹經濟才三年風績不勝頌欲別有贈心

曾開江陽夷蠻互讎格邊將生事驚風埃連兵巨費

父乃定得失未可相償陪去秋西師出四路欲舉夏

寇除根芟精強挽運一蹉跌十存四五良可哀河南

數州人封略惡土棄壤如塵灰傳聞虜氣漸衰弱聞

外復委將軍裁借將賀蘭作都護戍守尚恐難栽培

况今秦人極疲弊寂粟貴重如瓊瑰諸軍零落氣未

振肯聽号令傳風雷看唐南詔吐蕃傳往往因循成
既胎太上神明照幽隱廣謀博訪無嫌猜近臣從容
合公議忍使漢地生蒿萊閩中麥地多不布種毋思一飯三四
起感慨與語何久哉會公還朝方進用不侍講殿歸
霜臺瀘南関右飽聞見詎肯戲笑隨童孩對揚上前
苟可道願持此語排姦回平生磊落致君意豈慮言
出為身災

果倅趙衮良弼平江亭良弼作

文公昔記滕王閣氣象終天拂寥廓崔顥留詩黃鶴
樓今日聲華還磊落安漢城頭有佳處江山清氣歸
簾幕少陵無人諳仙死不遇材豪終寂寞蒼苔滿地

荆棘生樛棟塵埃喧鳥雀風流賢守一登臨久倚欄
干情不薄夜來風月覺澄清天意人心如素約仙葩
當見浮空來幾百年來無此作嗟子好古今白頭到
底支離材力弱木桃或見致瓊瑶免對江山負慙怍

允南和

牛峰絕頂凌雲閣形勝潼江照開廓涪水臺中隱凡
庵坐對西山橫碧落頃嘗登覽收懷抱鈎掛軒窓捲
帷幕氣酣景熟狀不起一片風騷情索寞充城累身
倦未出無事門亭可羅雀翠筠五瑞掃塵土澄照清
風易掾薄平江最好最後到隱几凌雲僅依約屏星
主人跼閑散長句森々邀我作漳濱病起吟魂耗中

散慵來筆鋒弱鏗金入木將奈何手把新篇空愧作

送趙良弼知廣安軍

巴黔萬山橫楚封洞庭碧海蛟龍宮潛靈蓄秀天疏
通楚人自古多材雄江陵故都當其會人物蕭英馳
英風良弼崛起聲其中宏偉渾厚如山東才思婉婉
春華融論議慷慨無約豐高步壯領轅不容徊翔盤
紆巫與嵩擎舟向蜀泐涇潼嘉陵一曲城古充鷹隼
倒臂寧久籠南榮霹靂醒愚聾歸來破裳未及縫籍
才檄起如旋蓬瞿唐故交復相從始適抱子令皆翁
天真逍遙飲量洪世事歷遍詩尤工有時語酣笑未
終環顧四坐皆虛空寒飈感凌踈桐去路山遠秋

溟濛臨老合散情易攻豈免涕下如兒童醜髀始見
斤斧功鵝鷺一息荆棘叢廣安地卑踣飛冲席恐未
暖行念平時物理相磨礱郡樂不在卑與崇唱酬
自可輕開忠無事日夕翻郵筒

求劉忱明復龍圖為畫山水

晉唐諸公重小筆高價直與才名俱然多筆丹少泉
石清格往人間無至今百存無一二存者真偽難
分區營丘李成稱絕迹峯嶺秀拔非常模穆之灑落
亦其亞玉堂屏上瀟湘圖董屈許范凡數輩隱俗
氣藏肌膚乃知山水係絕品筆墨造化非功夫要之
文章之緒餘世上真巧婦吾儒益昌臺府少文字見

性文室談毗盧龍門雪景生坐偶山潛水與爭奔超
倚空直幹闌孤聳綠險古道盤縈紆擁袖禪僧對寂
寞携琴朝士來崎嶇主人肆筆聊自娛新言默與天
机符公家清白傳數世經濟滿腹冰霜壺一言不用
輒掉臂五年蜀使甘馳驅時將素毫寫曾臆寧復意
外分精麗復古雖清尚許格格復古有詩道寧與可亦
壯非燕徒文與可李燕穆豈如公思去脫羈束破碎
嵩華傾江湖窮冬從公熟窺看愛重不覺聲嗟吁靈
峯北苑助蕭爽雪不到地風號枯平生好畫已成僻
寧借不喜臨與峯出公門下欠公筆有類客海遺明
珠顛公乘興一揮灑束縮數幅光分數異時解組還

故盧皎潔將伴林泉軀

寄題榮守岑象求崑起太博清富樓

南榮太守傳詩郵詩題清富城西樓樓中風物略已
盡行欲模詠難為酬憐公謫官不累意如與萬象同
優游徧州隨分與山水好景散漫無入收昔人知宴
不知賞俗氣未斷煙雲羞凌靈把酒獨長嘯歲久此
地纔風流公忼南國走欲通聳秀浩蕩皆窮搜歸來
耳目殊未厭尚恐勝槩遺遐幽九疑崑洞識元叟三
湘泉石逢柳侯名賢到處適所寓非事筆硯搜林丘
五年留梓恣登覽百利照水江環州得公新篇似相
約正上覺率吟清秋塵中嗜好屑可鄙恨不徑往追

公遊他時三老期一笑愛閑豈是平生謀
送程嗣恭正基提刑赴闕
從來貴閥多寡後失在矜持驕與泰白屋寒門亦有
入往往窮愁損與槩得時舊恩報不暇安能與語功
名會驛驢擺首倦街策一蹶中途為傷跌簪纓要重
眈畝壯所養既完發亦大磨礪寶刀挫去壁更向天
資才術外正基太師丞相後學博文清古冠帶天機
不露驥盤樞雲氣雖升蜃沉海平生胸中未一出萬
事食間且少待語默机巧孟軻盜顏色睚眦次山丐
世故未能以身徇家聲欲傳道猶在遠別相知試一
言不是向人歌慷慨

和蒲安行題鮮于秀才

羣峰屋背猿鳥啼二江門前鷗鷺飛雅聞君居頗奇
絕長恨不到心依仙翁落拓少拘檢解舞石上凌
秋輝整冠投袂或去起塵土一踏何時歸

和任師中舟中見示

經年雅音曠不聞客衣彼此俱紅塵六月赤日火照
地仙舟艤在支江濱君年四十已顯官去去榮路無
涯津大夫未死功業在但使道富何憂貧師中詩多言貧故云

點刺大夫未可此業日野刺直當何處言食若公
此以舟楫出矣以能安在四十已能言方去茶與
點刺大夫未可此業日野刺直當何處言食若公
此以舟楫出矣以能安在四十已能言方去茶與

安岳馮公太師文集卷第八

五言律詩

寄上金陵王荆公元豐六年

聖賢遺陳迹文章隱至神北天開盛際南國起斯人
兼濟希先覺公傳襲大醇卑飛隨世俗默觀養經綸
佷俛懷鉛繫徊翔表縉紳英聲搖海岳高步出風塵
去就遲難進謀猷久未伸兩朝雖願遇大節每逡巡
四海傾台輔千齡偶聖辰有為今道德無間古君臣
雕琢唐文盛更張漢法新風霆傳信令東縛解生民
所志惟膏澤當除亦斧斤寸心勞遠御獨手助洪鈞
鐘鼎無前蹟江湖自在身功名非雅意出處自天真

鴻鴈雲霄勢定蘭道路春軻雄平可駕房魏淺非倫
江漢無良產衣冠竊濫巾才非當世用仕為有時貧
銜策驅馳久風波出沒頻古心終少合老態強難馴
名教誰依託文書但隱淪師門常耿耿相府舊循循
萬里音容闊諸生氣義均絳紗瞻楚澤白髮倦漳濱
鄙俚雖能達精微豈盡陳青雲如可附何處更求仁
兼寄寄上穎昌范蜀公元祐二年

大老歸真主前朝遺教公精神時一會出處道皆同
起潞儀形地煩溫變理功及觀光祿表深見古人風
聘幣來何厚安車願不東光華膺政殿僂僂就祠宮
論議高踰武文章遠繼雄退身無少憾憂國有餘忠
几杖誠先覺衣冠為一空千齡重際遇二聖極優崇
將相交游盛朝廷禮數隆一星容處士四海望冥鴻
箕穎紛囂外岷峨氣象中楚詞清更適舜律遠相通
公以古律庭玉連城價孫枝百尺桐聖賢今日是河
定雅樂漢幾時窮晚輩徒瞻仰先生蓋始終冰霜嚴皎潔塵
滓坐銷融信史知將貴聲詩恨不工東齊如見錄光
彩附垂虹

蜀公和

鎮伏承提刑朝散遠貺佳作仍有舜律遠相通之
句因復次韻寄呈幸垂采覽 鎮上
盛旦真明聖平生仗至公遭逢不世出覆露與天同

諒直誠多勉謀猷愧罔功后王明若日夷夏慶同風
喜氣中兼外歡謠北至東敢圖嚴密禁擢處太清宮
峻拔山形大高明地望雄起居無忘古坐卧只思忠
論樂嗟淪廢求音扣寂空大和非隱伏至理自穹崇
曖昧幽還顯卑尊降復隆使人思舞鳳如弋慕飛鴻
世事安清謚人心處正中至醇當直詣精義故旁通
本自閔瑤律還須撫素桐天材由聖作物理要人窮
往古為經始來今是考終云為極微妙襟抱貯冲融
歛聚陰陽氣窺觀造化工因君說樂事詩詠照光虹
和文侍中錦雞
微生非自異翠樾願深藏谷口逢羅網人間重采章

全身珠綴絡一項錦成囊
勸警烏啼早難馴雉性剛
僅能逃鼎味何幸識台光
黃閣恩優厚青山思渺茫
鸚言來瀧抵孔翠別災方
既獲安棲地寧須憶故鄉
和梓漕陳悅誠伯弭節堂

妖氣憑絕塞皇武慰羣情
並命儒臣起同謀將略明
前鋒殲醜虜降伏委高旌
柘境新圖展收功寸草橫
投戈宜偃息奠枕覺澄清
廣謝宏經構羣公共落成
唱酬風月冷談議鬼神驚
錦繡移將合琅玕種即生
南方天外闊出師表云今南方已定甲兵已足北斗坐間傾
且享憂勤樂除書恐再更

閩中潘氏園亭十詠

方湖

蒲柳春陰重禽魚晚景多輕舟乘酒去明月扣舷歌

清蟾橋

石面苔封合波心月照空仙翁行道處清影露華中

芙蓉溪

野景宜花看秋芳近水多溪流光不斷千尺粉紅羅

蓮池

疊，波紋綠搖，雨氣香菱歌誰與發秋興似江鄉

朝真臺

聳秀山崗合回環斗柄臨焚香無俗慮一息見天心

白蓮堂

平池風蕙箔照岸雪玲瓏無限騷人意攔干霽色中

涵碧亭

日影搖吟筆煙光落酒盃猶嫌池外俗移入鏡中來

魚池

活水傳無滓嘉魚養不驚休言濠上意秋鱸與春羹

稻畦

物外溪山樂窮中歲月優斯人招不起十頃稻田秋

草庵

竹影搖金翠泉聲響佩環庵前春日落人向定中還

偶成

長歌詠考槃酒落休官愛竹臨溪倚携書坐石看足

煩猶解屨髮禿自忘冠頰為無多欲持身到處安

溪行

野景久不見溪行如有逢長苔梳綠髮淺水卧青龍
石出沙仍帶橋危柱半春日歌猶下馬赤脚洗塵蹤
好景雖心賞多情半睡降春聲蜂遠屋晴意鳥臨窻
漸老依花徑無機付酒缸人生求適性何苦自縱

即事二首

閉戶塵緣息忘机眼病除就閑因教子臨老更知書
擺亞風前拍婆娑雨後踈窮中方得趣門外已巾車
平此思其二

舊病花浮眼衰容雪到眉風塵怜客久筋力恨歸遲
所得真如夢無厭固已癡不知緣盡處猶有幾多時

漁翁

短棹撥輕舟風恬江上遊機心重浪底生計一鉤頭
盡日不多得中懷無寸憂夜深何處宿孤嶼笛聲秋

野澗

莽蒼長郊迥紆回小澗幽勢尋山脚轉聲傍草根流
暴雨沙汀漲清風岸葦秋行、須到海毋為曲灣留

和鮮于頌秀才見題小軒

一室僅容拙新年尤好閑翻書消白晝隱几有青山
人事少迎合英游長往還此心猶有恨半在史文間

和蒲安行誠之見喜新受梓倅

故國連芳草吾親在白雲榮歸慙主父虛語類終軍
劔閣雖吟憲灌江亦喜聞惟愁良友別分手復何云

暴雨擊甌樓

石上辭人賦城高古郡樓能將天外意寫盡曲中愁
湘瑟曾誰聽巴江祇自流倚欄吟月午臨下更遲留

龍門洞

古洞嵌崑活青山氣象渾應龍常隱處流水不知源
闌陰夔峰秀凌虛古木尊恠藤寒覆坐脩竹盡當門
混沌誰開鑿雲煙自吐吞深盤通海脉橫透露天痕
日影循崖腹泉聲遠石根江前塵不到物外景常存

避地仙蹤迹清人俗夢魂功名歸未得回首謝崑閣

題靈溪寺

野寺無俗氣勝遊方此迴水清已字近僧慧錦屏來
秋閣山要平聲起溪門竹引開塵蹤不須掃畱恨寄

蒼苔

曲細道中

一溪流石色萬木聳山陰地僻有佳景眼明勞寸心
墜猿猶掛壁驚鳥忽移林莫問去程遠行人方苦吟

巴州聖壽寺小閣

危閣已可愛野僧仍見邀難稀逢水靜城近覺山朝
露發秋光潤風吹雨意銷巴童不知我孤興在漁樵

廣難驛寄知縣盧大年職方
轉步異南北一程千萬盤
將身試豺虎無路出林巒
數屋近相接孤城猶認看
回惶中夜發况守二年官

馮公太師文集卷第八

安岳馮公太師文集卷第九

五言律詩

詠雪

半夜風威壯今朝瑞雪呈
徊翔如有待附着不勝輕
疊々雲篩下畚々雨簇成
雕鑄非衆巧融結似無精
河漢潛欺沒乾坤欲混并
漫空雖結白觸處已縱橫
枯茂全粧出窪隆一槩平
參差相掩覆散亂或逢迎
遠岫依稀失高松獨自榮
光明通鬼穴肅殺下天兵
揮霍偏隨馬憑陵或遠城
威稜生劔戟物色儼冠纓
樓閣危將墮烏鳶噤不鳴
崑封蹲豺起岸斷蟄龍驚
地軸猶疑折林梢不勞擊
穰寒排瘴毒和氣入春耕

雖學峨峨勢其如薄，名暗銷知地暖坐對覺神清
交牙當門舞玲瓏照眼明味宜茶品試力與酒權爭
佳景誰能賞幽吟似有情開樽煩點綴噍筆為題評
舊說三農慶量深一尺盈憂民心整切擊缶助歡聲
計久全和普守勾士良輔元大夫見寄二首
相知思命駕見教每書紳咫尺去無路奮飛嗟此身
貪廉雖異操出處幸為隣肯笑劉郎病前頭萬木春

溪邊洗俗塵林下解朝紳車馬慵應客漁樵暫寄身
置書煩有佐釀酒畏比隣又欲西州去峨眉看一春

和眉守周君正孺端公春遊醴泉

捧擁行飛蓋嬉遊立避驄風煙寒食近笑語故人同
樂轉諸天外川平一掌中回頭相與媿容易出塵籠

和周正孺郡園新霽

湖上多幽景囊中尚賜金清尊宜北海嘉節又出陰
曉日雲輕放林花水倒沉竭耒相伴醉應會主人心

和程潑治之秘監贈楊竦中立朝散

身似悲鳴驥家如獲落瓢買居悲糞壤數俸怯薪樵
壽隱三家近征商百步遙無心隨所寓塵滓自冰銷

和呂開少蒙提刑家園茶

蜀品固難名家園未有聲曉盞親手擷俗客尚心輕
瑞霧吹還合仙風坐欲生因知栽植意留與子孫清

和張若愚子發秘丞同年見寄二首
歲月磨將老蛟龍蟄未伸文章俱不意功業竟何人
孤迹每一轍裏鄉餘幾春扁舟思共濟滄海闊無津

其二
意氣同歸趣生平幾合離遙懷初得信相煦似忘機
世態分難合人情老自知莫將身拘物憔悴變鬚眉

和湖州文同與可學士見寄

聞乞湖州去交親不與謀京塵收馬足汴水放船頭
試茗春歸渚題詩月滿樓散人吟不盡茗雪一溪秋

送利漕劉明復朝議

中山元魏後數世十三傳皆在河南莫初從代北遷

中書謀定策環嵩字仲賢大理力扶顛 坦字寬夫渝

國乘機日政會封唐公起義年議高都尉識 之太宗深

都尉名累侍郎賢 奇天官侍郎原武輸期集東阿舊

俗俊聚字文秀河陰才被詔 藻茂實戶部志繩愆 符

端朝戶八子生中策 符有八子崇龜崇彝崇望崇魯

節度使崇望字希徒左僕 三台共一經洪洞城不下

射崇魯字却文翰林學士 太常中

珩工待政無前珪昭輔書儀集明宗禮意全

承安出處藝祖首詳延學士清臺閣咸平起澗瀍斯

文醇復古宏議自推堅江漢源何巨公侯兆已圓信

辭師魯誌佳氣尹樊阡秘監花儒將緱山酒地仙看
公承遠構發迹向孤騫浩蕩窮經笥縱橫信筆探中

箱遺紫綬見譜伯仲襲青氈辨論多兵略澄清累使摧

鳳鳴雄屏翰鶉首富刀泉詔自南臺下車隨北斗旋

鷓鴣思舊侶嵩少望歸鞭師節頻輕仗戎曜未一湔

朝綱令省戶古道日經筵盡是徊翔地行承咫尺天

門施唐紫戟冠珥漢貂蟬閱誰如此功名盍勉旃

慎無從子晉輕去愆伊川因公之子立棲遲久深知

氣義然人情嘗歲月物色自風煙士要文章別詩因

譜第編碑陰如可附青玉為雕鐫

送王求東之寺丞歸戎州在備陳嘉州同郡

喜作送君詩戎南人物稀文章啓首愛錦繡助先歸

門巷容高蓋江山照綵衣不須攻錯節鷓鴣自橫飛

安岳馮公太師文集卷第十

五言律詩

效皮陸體藥名詩寄李獻甫

半夏勞奔走當歸計未成向烏頭雪白雖遠志澄清

白屋遊偏早青雲夢數驚預知皆係命無患可傷生

泉水懷鄉國靈仙得古城萎蕤差病力安息媿民情

蘭草園地靜槐花道路平野翁宜散誕故紙任蹤橫

問語思黃葉論文憶長卿餘糧添瓦盎亂髮散簪纓

紫箬江山秀婆娑桂栢榮楓香餘雨氣桐葉變秋聲

險語嘗鈎吻昏瞳屢決明鷓鴣閑自酌琥珀向誰傾

蒼岩官資淺蠅蠅活計輕每將蘇子校多謝使君名

滿把黃金屑知音白玉英青箱空聚古敗將敢論兵
苦練詩方就旁通筆未精前賢如及已海藻願題評
道中詠懷奉寄利州允南使君

鄧潤甫

交印夔人國分襟汴水堤十年難會合一夢頓乖睽
官序潘生誑詩文庾信齊諸公多汲引憲府屢提攜
不肯乘驄馬那能出寶鷄安恬輕世味灑落見天倪
照物聰明決為邦問望躋笑談清岸獄暇豫勸耕犁
不忍為鈞距何嘗設町畦燕堂傳夜燭遊轂碾春泥
衆服題鸚鵡疇將食駃騠草黃思隼擊梧碧值鳶棲
欲問無來使開編有舊題君方安玉壘予亦遠金閨
地隔江波闊書傳鳥翼稀豈知雙鬢白相見兩當西

內顧微他技殊私牧遠黎辭親愁不斷叱馭意空迷
吳苑飛雲杳秦城北斗低南山千里雪劔閣萬盤溪
夜宿星邊驛朝行石上磯深疑窺地軸高駭躡天梯
看岫時歌帽聽泉或杖藜蕭蕭黃葉下裊裊冷猿啼
蜀道無艱險人心慢慘悽永懷持從橐遙想綴朝圭
直北瞻天日征西疊鼓鼙相期郡齋冷清話看揮犀
和新城都知府鄧潤甫温伯內翰道中見寄

與鄧奉節交承

畫舸秋離峽長江水齧堤郡樓高送別客袂慘分睽
前後聲難繼外沉分不齊私心嘗有待得意幸相携
千里聞鳴鳳三年倦割鷄一哀纏性命萬事錯端倪

英俊聯翻起清華直上躋平生依筆硯俛首失鋤犁
同嗜殮秋菊忘言病夏畦精麈分玉石去住即雲泥
近列多鴛鴦誰人享馱駝徊翔趨鳳閣隱約駕鷄栖
訓誥資溫潤衣冠出品題風流清憲府威望肅朝闈
戲彩江湖樂觀濤歲月稽還朝垂拱北易帥華陽西
舊德傾中外歡謠決度黎忽聞旌棨近頓解簿書迷
一笑何勝喜高談為少低長篇追杜老餘論及曹谿
把酒聽新闋尋山傍小蹊欹斜行疊嶂空曠上危梯
拾掇留罇俎蕭疎愧糗藜故人唯會遇壯士合悲啼
物理紛無定年華去可悽王師行解甲盟府仲盤圭
劍外聲文鐸閔中息戰輦時清數相見寧望騰金犀

和鄧內翰遊烏奴寺

萬險初離峽三程未到關相歡才把酒偷暇更尋山
古意登臨外人生笑語間一茶遊興盡簫鼓欲催還

和徐之才雪

農事方春作田苗待雪催忽從天外降尤勝臘前來
枯槁全粧飾勾萌暗養培格清徒自照躰弱不勝按
有勢離還合無情去却迴乾坤迷境界造化始元胎
氣凜侵帷幌身輕寄草萊匿瑕漫糞壤銜巧綴條枝
空際如難集毫端已共偎穠寒流遠蜀嘉兆叶清臺
既渾山蕪澤寧分石與塊飢鶩蹲木杪凍虎卧嵒隈
積恐江城滿重疑棧閣摧誰居梁宛右或遡剡溪洄

凝冰陰錐勝沾濡旱可催雕鐫窮物象皎潔離風埃
兩脚紛猶雜雲頭重不搯豪門張燕席貧灶擁寒灰
且喜蒙膏澤仍知免疹災斯民爭慶賀高會與歡咍
把酒看宜醉洪爐守至煨傳聞詩句好罷聽樂聲催
灑落吟情健玲瓏霽色開營丘無復見誰為寫皐
和徐之才浮萍
瀟洒春容靜飄搖水性柔根從何處起身任此生浮
得地輕依託隨波旋去留潢汚深不采溟渤望空悠
花蘂看還落蕉心久未抽豈如經夜雨便欲障江流
晚入吳歌唱晴邀漢女遊翠連芳草渡寒映綠楊樓
碎剪神工巧平鋪澤國幽微軀馬足道浪跡更誰收

踏破閑行鷺衝開暖上繭但能知委順何用校稀稠
謾欲通河漢寧虞踐馬牛逆從菱芡密如把芟荷揉
寂之苔成陣紛之芥作舟屈騷遺故事湛賦壯前猷
蛙躍沾雙股龜行蔽六眸聯居如有守遠近亦無求
別浦千重恨吟塘萬點愁生涯隨所寓細域浩難籌
野色且茶竈仙姿泛酒甌清芬傳澗沚餘思滿汀洲
暗與萼絲結多為符籙鈎豈專嬉鴈鷺自可覆蛟虬
助賞名園側含悽古道周迺迴差勝梗汨沒尚憐漚
赴急如趨市逢枯類轉溝吉祥興霸業美厲格神休
為愛常青眼難題幾白頭新篇盈巨軸牽強豈能侔
和徐之才巡按見寄

捫參趨遠道首蜀下青泥江遠榮遶帶山盤屈曲梯
何時品腹斷自古客心低峽盡逢寧武天寬類寶鷄
東窮巴嶺北南轉梓潼西地共猿猴食居同鳥雀栖
風霜傳一檄玉帛走千蹊力責多備父窮輸或嫁妻
上憂分使節僉議輟朝圭素志施膏澤虛懷去町畦
垂鞭防馬憊舍哺止兒啼夜寢無寧席朝食或茹藜
驅馳宣詔令歌舞慰童觀按部經雙劍迎壺滿見溪
政清冰出凌民附水滌堤指穴收兔免搜羣去很羝
吏俊藏乳虎人樂戲春麇驛轉悠千里秋霖動一犁
憂勞如有病暴露欲生鷲委篋書爭報封囊藥自題
茶塵思鳥背羨野憶馱蹄過鴈晴逾叫殘蟬曉更嘶

萬愁休入耳數酌且溫臍聖治幾仁壽宸衷念廢黎
呻吟裁藥石亢旱得雲霓駒有苗塲食鷺無枳棘栖
明公深履歷清望絕乖睽盤錯居常試安恬久自迷
漢貂方促召賈論息言提寶閣隣天仗星闈侍女奚
功名當少俟歲月尚能稽末路忻依託先期慮解携
榮峰雖絕迹歸意共含悽自笑身謀拙曾將物理齊
倒行嗟僂俛仰望踟攀躋易足籬邊鷄難馴水上鷺
稻梁誰計鷓車馬未安廳詩戰逢諸帥文聲鼓萬鼙
白徒雖自奮黃馘豈容批怒臂猶輕展驚魂已暗拚
績貂無取者附驥亦榮兮巧拙其如性天機不可倪
和徐之才宿孔溪亭驛早行一云和刘漕

孔憂寧煖席劉驪不禁鞍夜永無歸夢山深正苦寒
行鈺催早發晟鼎薦芳酸誰識驅馳意憂民萬事端
和徐之才春晴偶成句皆雙関

雲容收雨意草色妬花妍詩苦是真樂酒醒方爛眠
園亭無限景筭巖不論錢耳目因成癖江山似有緣
寄高梁守勾輔元

北按經時出南歸計日趨幽花明澗水細雨潤春途
就歇開新醞催行趨早舖故人休問吏相見且歡娛

發新安驛

偃蹇隨雞起表羸索酒扶風鈺巖道從霧燭轉崎嶇
迎馬開熊幟環昇簇虎爰山中耳根靜清曉厭駟呼

武侯廟

四百源流盡三分氣燄高西州稱險隘玄德夸英豪
統正圖王策関張汗馬勞相雄爭勝負所得僅纖毫
當世安危慮斯人智識涵潛身規去就擇主事遊遨仗
順親歸漢平凶首問曹河間屠血肉江表戰風濤
雅意存中國單師靜不毛安知深政術指畫露兵韜
願託情尤重君臣義可褒南征才解甲北伐遽投膠
渭水開營壁祁山擁節旄乾坤悲拆裂荆棘誓鋤孳
遠結孫權援親將仲達鏖劉宗難再起郭塢已長號
家國猶殷富衣冠亦俊髦中途亡轡策束手類猿猱
事業垂千載風流尚一陶民思夔子國廟枕蜀江臯

壽史徒譏議裴碑自固牢卅青巖壯觀松檜盡蕭騷
醜虜終為患長弓未見橐呀嗟擒縱術祠下淨霑袍

瞿塘峽

勝絕瞿塘險西陵古地形巴江深洞穴蜀主舊門庭
王氣吞三峽神功出五丁斜長天一綫相對石雙屏
瀑擊崑崙瘦雲蒸草木腥衆流趨灩澦遠意會滄溟
顧盼如無地幽陰似有靈白鹽懸日月黑石鼓雷霆
鏡鑿餘痕在高深巨勢停魚龍憑險恠煙霧鎖沉冥
念昔窮探賸嘗言駭觀聽波濤貞激箭舟楫遽奔星
倒掛傷猿足橫飛羨鳥翎死生期一瞬出沒類浮萍
案上憑忠信胷中混醉醒人煙逢滾岸語笑落沙汀

瀝酒重灘下回頭萬仞青停橈詢故老借筆潤齒經
二孟連稱帝三川特建瓴閼防雖鞏固基業旋飄零
藝祖收長策神旗指不寧老疇空死節曹翰首開局
五嶺劉歸國重湖馬就刑磨崖誰刻此遠續孟陽銘

東陽灘

蠢腮山窮處東陽石闔間數傾舡簸蕩萬觸水回環
遊子真亡命忠臣固厚顏捨舟途入險平地幾時還

施州道上遇雪

易下山中雪初寒塞上途郵燈催客起澗水雜猿呼
密綴林驚秀輕蒙石變枯無人來寫取十幅李成圖

宿水轉寺

又云封水寺在通泉縣刺龍鎮

殿閣逢僧利煙嵐馮路隅徑深屏栢老溪轉一峰孤
已到身猶聳纔閑氣便蘇巖禽知客意臨曉解相呼
庭罷驅攤戲門收爆竹盤酒香添臘味夜氣雜春寒
歲序張燈守人情遇節歡明朝五十八消息近休官

馮公太師文集卷第十

安岳馮公太師文集卷第十一

七言律詩

黃甘寄李獻甫

果山多果遍林丘惟有黃甘格最優繁結幾經秋雨
熟完滋宜帶晚霜收霞餘點綴青林遠星散玲瓏綠
葉稠秀色盈衢爭委市穠香浮水半通舟金苞爛熳
差三等乳蒂龍鍾占上游一宴嘗珍皆絕品萬錢要
平價或輕酬盤筵皎潔如圓畫梨栗鹿凡似贅疣醜
藉佳賓忻共賞芬芳醇酎雅相投慇懃食指嘗先動
頽時曉涎已自流花瓣瓊瑤紛落爪雲腴冰雪冷侵
喉蒲萄鎖碎終非匹荔子肥甘僅可儔但效兒童貪

磊落不知牙齒怯，颼颼力竭消渴多年病。清釀騷吟一腹秋，屬餐且行猶掌上。悶餘雖臥亦床頭，膚輕漸平聲。蜜衣猶重種好懸，囊子尚留焦悴滾。西三寸小酸寒東望一枚休，檀均奴僕知即貴。橘類硃砥比玉盃，美實舊嗟遺貢禹。嘉名今媿下温州，多栽厚利羸梳。箇一熟經時汗馬牛，晚歲幸為安漢守。眼明重到洞庭遊，已將滋味干時好。寧免苞苴徇世求，大嚼有誰能快意。素餐無事却成憂，徐陵獎識詩辭古。胡濟矜誇賦筆道，願得新篇聊假借。庶幾聲望出遐陬。

送宋搆成之運判赴闕

曾留先帝紫宸班，高議雍容數刻間。使節光華金口

賜

公登對移教刻面奉

聖旨除擢監司差遣鄉扮歌舞繡衣還，鑪錘應手

皆良法，斤斧投虛輒大姦。坐席賢勞殊未暖，歸輶嚴召遽難攀。豪曹自是青雲器，騏驥應無白日閑。蘇孺故人聊養拙，君公行部每開顏。新知邂逅情猶在，遠別逡巡涕欲潛。人事去來寧可問，試看莊叟道中環。

送徐之才赴洋州

三河使指皆精選，八座郎官最上遊。袖手看人趨要職，息肩隨分領偏州。遐方暫屈嚴明府，舊部爭迎郭細侯。常愛昔人為郡樂，不妨循吏與民休。粉榆指顧秦川近，臺榭周環灤水流。闕下子牟心感慨，天涯賓客老淹留。方將振羽趨庭鷺，豈便忘機押海鷗。青漢

遠山迎隼旆北風吹雪犯貂裘從來恩館深仁遇依
舊隣封竊庇庶遠別不唯思酒盞相忘何事更書郵
郢中無和陽春曲時寄新聲欲強酬

和劉明復鐵老君觀

放轡逍遙物外情登真一境照人清巍然道德玄元
像傳得胚渾太古精造化工夫應默運神仙儀相自
隨成江山地勝空遺迹聖智長存即久生寂寞黃冠
猶好事微茫丹竈不知名淮南吳胄來瞻仰驟起清
風化蜀氓

寄潭州何正呂君表待制二首

繡指初從劔外還文章開府冠羣仙忽聞五管傳邊

警言又出三湘領使權偃息湖山非久計翱翔鴻鵠待
殊遷不同宣室因循召台輔明時屬少年

其二

高卑鵬鷃分難攀豈意相知邂逅間北海幾時曾薦
鷄愚公終日尚移山平生泯默無他技一顧羞地已
厚顏猶有功名心尚在鑪錘當手待公還

寄上范蜀公二首

去就人兼衆美難侍郎高望肅衣冠每尋當世群公
議更在清流絕等看楚屈辭多誰謗國漢疎名重只
休官求仁已得無餘憾自向冥冥著羽翰

其二

拱極星文動少微西南風物重光輝平生親友傾心
望共慶功名唾手歸車馬歡聲傳里巷松楸佳氣雜
煙霏長卿兒戲揚雄拙未足公前較是非朝衣重只
小馬輕輿蜀道難身披裘褐頂我冠已從林下幽人
往猶作朝中舊德看漁釣喜歡新得侶道途瞻顧尚
呼官多慙鄉友貽清唱天外鸞音與鳳翰
高舉謝其二
常望鄉山憶翠微此來時節更春輝林間怨鶴久招
隱花外啼鶻仍勸歸雲似小道隨人飛縹緲如先道
洒霏迴思仕官平生事六十二年始悟非

寄上北京文侍中

四紀三朝會遇同陪京猶望節旄雄欲知元老經綸
迹盡在生民鼓舞中漢府重歸黃閣相商山難訪紫
芝翁陶鈞末士慙無報惟解聲詩寫至公
和東川吳幾復辨叔朝議見寄

幕府參差恨莫追公車才下我親闈高談乍聽曾心
死前會難尋但肉飛千里有時重咳唾一言何處盡
精微惟思旌榮趣嚴召雙劍西南望落暉
和陳畜南道中見寄
故人重見老相看江上秋風已薄寒曾約浮沉俱里
社豈期僥倖亦侯藩休嗟華髮多年別且喜清樽數

日歡惟有舊遊難得處風騷遺恨滿三軒
別腸回轉似車輪千里相忘一水濱自媿卑飛徒袞
過蒙高義最恂已違蘭養三經歲猶恐瓜期再
見春趨府何當聽約束分為膏澤與鄉民
蜀中四路皆謂之鄉里
和朱牧宣德
英游相聚日相歡休唱還家蜀道難為愛尊前文字
飲不知門外雪霜寒酒酣依約羣仙夢談極飛揚巨
海瀾從此追隨頻語笑莫教憔悴耻儒冠
運使李獻甫有書云千山萬水之間泥濘勞
苦不可勝言者因以詩答之

使車東按宕渠還霖潦千山萬水間為把仁恩行郡
國肯教愁色到容顏高賢本為蒼生起良驥應無白
日閑從此促歸天上去翱翔鷓鴣紫宸班

送梓憲鞏彥輔中散二首

宏才高望出簪裾尤向持平意豁如輦轂聲名三輔
最西南恩惠十年餘諸公每恨歸朝晚美職行聞半
道除今日老成應不次中臺煩劇在刑書

其二

繡衣三峽始歸來孤迹青天道上回牛馬經年馳使
檄雲霓終日望行臺鷓鴣去勢看千里桃李遺芳占
一栽都邑羣公如見問漳濱衰病已難材

和知資州許廣淵澤翁同年朝奉見寄

每思同榜多零落忽見新篇慰寂寞今日抗塵俱白
首當時聯翮共青霄休嗟遠地猶沈俊况是深知已
滿朝飢渴未能親一笑祇憂嚴召促歸輶

和周正孺遊醴泉寺

衰遲猶有少年心十里名藍共訪尋
林綠郊原逢雨後殘粒桃李覺春深
誼譁歌舞隨流俗瀟洒溪山憶
故林一醉不辭繁上酒簿書迴首費光陰

和周正孺春遊

路入江村五馬遊江邊生俗弄春球
客愁無地時分請樂者能俳預點抽
趁賞不辭乾欲老勸農偏喜雨

新收經年多病無歡意強逐雙旌一舉頭

和李曼脩孺戶曹

青雲回首即紅塵且向卑官事隱淪
衮泥途方索足區天地不容身
前頭功業安知命滿腹文章未
稱貧深愧相知空握手羽書邊上
輟嘉賓

和徐之才回紋

行輶使指屢襟分路去重看思糾紛
清夜峽前江照月霽天郊外劔橫
雲情多苦近歸褒漢景物應難會
見聞縈慮俗緣因刺按燕堂虛媿有
移文見聞亭

和劉涇巨濟教授

卷地嚴風動馬蹄忽聞投館到雞棲
路隨黃鶴翔翔

遠詩壓青山氣象低我已衰年思故國君方高步陟
丹梯遲留且伴臨江醉剩聽清猿峽口啼

和呂少蒙蠶市

何處青衣舊俗酣峨岷東畔蜀江南從來歲首爭為
市太半民間已不蠶幾日笙歌常繼燭晚春桃李尚
仍藍嬉遊果獲神明助太守雖貧亦藉甘公庫迫而
春蚕叢燕
遊之費為多故云

往時與合錢塘蒲資政傳正脩史鄧內翰温

伯同和唐常考功張水部盛山十二詠畧開

江吳令使榜於宿雲亭二十三年矣因緣登

覽感慨疇昔復為短篇以紀故事元祐二年

正月二十八日安岳馮允南

曾繼唐賢舊唱酬宿雲亭傳為遲留韋温石上尋遺
跡蒲鄧天邊憶俊游亭榭寂為閑處所溪山清帶古
風流神交冥漠相知遠重把狂吟此暗投

中巖封崇寺在雲安上
三十里

萬竹林間一徑升滿巖金碧靜香燈飛泉散亂垂千
尺危閣歌斜擁數層雨氣或從簷際落風光時向坐
中凝荒碑文字那能讀合眼煎茶問老僧

扶歡驛王衮居他梁承秀居今隆化縣李光
吉居今榮懿寨皆土豪犯法禁以取夷滅

借田收盡連蠻徼舊版從來實漢民草染華風能不瘴

晉山離汙俗自無塵連城解喪吳王淝鉅積終刑石季倫一侈與豪猶不免咄嗟三叛尔何人

三家兄書報薦起樓屋喜而有詩

臨街樓觀百餘年司馬辛勤五世傳凡在子孫俱肯稱敢憂門戶或先顛亢家本是先人意幹盡成於伯氏賢他日舉孟相屬處為留書閣井東徧

寄陳蓬州畚南

臨老蹉跎來劔閣故入留滯在蓬池光陰一別六七載功業半生多少時謫官可憐嗟子駿徑歸難學羨誠之何當江上重携手同到三軒看舊詩

和鄧温伯二首

不獨高文耀世奇曾將宏議振天維誰人才術能爭手自古功名貴及時暫別鷓鴣蓬海上少留旌旆蜀江垂西州筆硯雖衰落會有中和樂職辭

詩公高其二

虛譽交游共借推清途俛首倦重窺方將素志隨鷗鷺敢拂華巔望駸驥衰晚欲成漳浦病嗟矜猶得鄭公詩相逢少置升沉事且把金蓮為倒垂

送鄧温伯

長羨橫飛霄漢遠多慙窘步路途窮如何會合青天道俱是衰遲白髮翁萬里每嗟音信絕一罇還喜笑言同遨頭莫作經春計宁看高旌促召東

言同並 和劉漕明復觀吳生畫普城紫極觀

古觀蕭條昔未名却因吳筆助神靈能將萬化豪端
意寫出羣仙物外形俊逸狀如裴劍舞周環時見蜀
山青陰兵聳動驚魑魅真仗飄搖擁戶庭按部每來
除枳棘題詩留與禦風霆因嗟畫癖無由見魂逐車
塵為一經 蘇東坡題觀吳生畫普城紫極觀
諸公高詠蜀人編唱和春容近百篇厚重江山藏古
氣軒翔鷗鷺在秋天不徒神物陰相護兼有風謠樂
共傳誰謂開新集好退之題後始完全 小呂彭詩
不厭高和劉明復再遊劍州東園二首 入下附詩中

孤城寥落萬山圍惟有東溪景最奇擁傳使筆尋舊
賞滿園春色待多時援琴故壑彈流水隱几蕭蕭聽
竹枝擺脫風光情不盡停車門外欲行遲

其二

危亭飛閣照寒溪重到依然杜宇啼好事且看常守
記補亡恩欠義山題頻來已免山移誚久坐翻為水
樂迷一宿有情非雅素他年嵩洛是真棲

和徐之才喜雨

潤雨何須事禱祈霈然未足便晴暉潤通壠畝麥禾
起香遍園林櫻筍肥浮藻水生魚聚戲落花泥燕
交飛民謠已洽豐年望惟恐使車將北歸

交游月 和徐之才 齋體

棠蔓全除看綠槐木陰穠合乍聞雷田間雖荷沾濡
澤水際先憂蕩溺災火氣已隨妖焰出山光尤喜晚
晴開門前雅致無餘事惟見詩筒競往來

寄新先輩 稷頌子長書記

年少才華自不羣果然飛步出儒紳漢廷大對無雙

手聞子長累蜀學魏科第四人吾蜀李公素揚元素

也二人暫屈鷓鴣棲枳棘行看鷓鴣離風塵東川佳氣

因相待共作榮歸畫錦春

將過益昌先寄允南使君

袞京華志氣低歸心長伴日輪西蒼顏白髮困新

選明月清風思舊溪屈指光陰時節晚舉頭霄漢路

歧迷巴陵太守應憐我準擬經過醉似泥

和楊壽祺承事見寄

道屈文章價不低誤傳新句落天西忽聞命駕趨雲

棧猶憶同舟上井溪爭嘆科名淹舊發誰隣簿領困

沉迷相逢且約嘉陵酒為洗關中數尺泥

送苗子君運使赴河東漕二首

聖君宵旰尚憂邊移領并汾將漕權漢使已更三數

節公出使為多三數壺關才下十餘年民情姑息方

師後兵計從容試上前卿相通途從此致橫飛鷓鴣

上秋天

其二

一顧生平於我厚十年門下見公親祇知談笑無難
事誰識襟懷似古人遽別未遑論出處相看何用惜
沉淪清朝勲業爭相問已向藩籬託此身

寄李獻甫運使

江淮勲績已優殊重使西南出帝俞被澤民謠千里
遠望風邊事十分無文書頃刻隨談笑騷雅雍容命
僕奴旦暮即聞嚴召速扶搖三省上鵬畜

獻甫和寄

半生才命苦差殊肯更詩窮効聖俞清識豈期回顧
睇嘉篇聊用借虛無鄉心歲月疑如夢官况塵埃直

未奴聞說南充風物好未能歸去且狂畜

和趙良弼初秋即事

尊酒相看白髮翁重來寧復問窮通十年舊事資談
柄一篋新詩載古風楚客遠行經素節蜀人歸興羨
冥鴻登山臨水無多日且伴閑中說苦空

甲子鹿鳴燕上呈諸秀才二首

詔書天上頒春澤經義人間沸海濤俊秀一時隨品
藻文章萬選即英豪溟鵬乍見搏風起郡中寧辭勸
駕勞當有奇才為時出中元佳氣似嵩高今年中元節且於郡城之北有奇雲數千峯巖然不動如遇雨而望嵩岳也

其二

重陽高會最風流為禮賢書席俊游已愛食萍歌小
雅更宜攀菊賞清秋榮觀坐見邦人喜壯志行期國
士酬酒到從容當盡醉登仙名籍在瀛洲
羣俊爭求一字褒諸公清識晉山濤蓬仙寥落誰人
繼史筆縱橫自古豪勝爵頻傾知得雋劇談無極坐
忘勞勉行無負題評意東蜀斯文價已高

其二

郡筵蘭酒宴清流踈懶相從泮泉游但喜狂歌猶應
節不知衰髮已傷秋多情共把金英看厚贈慙無玉
案酬未去且為詩酒會蘭林詠白蘋洲

其三

整此笙歌散鬱陶雨簷飛瀑瀉秋濤吟情徹骨清尤
健飲量隨人喜更豪黃菊容嗟向晚哀箏言語恨徒
勞相逢宜共真醉回首青雲路轉高

其四

年少相看自輦流深知惟喜舊交游休言白髮參差
老只恐朱顏次第秋歡笑且從今日是功名能有幾
人酬逍遙不必分高下鳧雁翻盧常洲

和陳興州見寄

音信易傳臨一水道途相去隔三州何時樽酒同為
會無補篇章約共休鄉思豁從歸後少貪心宜向靜

中收此情惟有君知我不羨人間萬戶侯

音言也戲謝趙良弼寄薏苡山藥

韓珠春出真珠顆山藥鉞開白玉團本草經中俱上品

故人書寄善加餐輕投已獲琅玕報每飲兼資菽

水歡欲把長篇酬厚意吟腸無味苦搜難

平小問江巨源求茶

語笑嘉陵醉別辰曾留一角建陽春不將閑碾無佳

客每到開嘗憶主人蒙頂緘甘餘草氣月團雖有隔

年陳吟魂半去難招些願得蘭溪數片新公家蘭溪每春建溪

至輒馳僕五六千里送官上

謝李獻甫寄鳳茶

雙鳳婆娑綠玉團初細猶怯禁中寒貴從侍從時宣

賜傳到西南作寶看旋碾合留清浩氣親題何事寄

鹿官感公珍惠寧須試一嗅煩懷已自寬

再和

此品何嘗下小團分甘仍值雪霜寒恐塵竹葉微蒸

過要細銀杆旋煞看紫盞烘時愁俗客清風來處屬

仙官平江一啜吟佳句起舞不知天地寬

和李曼長官約遊郊園其弟毅亦

郊園聞葺舊亭臺曉訪冰鬚凍結腮野景豁從江上

見雲高深向霧中開早知閑處登臨好何恨忙時取

次來夢草新詩酬不得謝家兄弟盡清才

和李獻甫雲頂

舉首看山不到山每來留恨翠微間禪關但有經年約使傳終無一日閑春到栢林香渺渺雨餘崑漏瀉潺湲虎溪莫過虛邀客猿鶴鐘峰帳未還

和鮮于頊節推惠詩

英駕能來慰寂寥相看衰鬢共飄風騷會裏多年別談笑盃中萬事銷休嘆轅駒方躅躅不知藩鷄已逍遙如將巧思鳴孤憤為我商聲更一謠

下黔江

崎嶇才喜下荆岑一水奔騰萬石林使節敢辭重險阻客舟將命寄浮沉可憐幽竇非人境猶有清泉慰

我心勞逸賢愚寧可問但嗟衰晚媿臨深

和王子巖南平道中寄示

雨隨行色過重關路有思歸送別人未省幾時趨北闕且同回首望西隣嘗同梓黃花漸近羞重見白酒猶期醉一巡三峽苦辛嘗欲遍置杯休要問澆醇

寄賀李脩孺移利憲

絕出關來又入關欲閑天意未教閑一生孤直知心處三度交承隔政間食蔗羨君方有味過屠憐我尚何顏功名不是蹉跎物猶惜清時共仰攀

牟仲甫作鷄終有意趣為予寫聞鷄於驕自得猶有餘勇因以絕句題其畫云

忘身為利得忘形棄殫狂生只自驚嗟汝虛憍氣方
盛何時全得似無情
馮公太師文集卷第十一

安岳馮公太師文集卷第十二

七言律詩

寄利憲張元宗司勳

曾言英館願重尋
猶記當時戀別心
千里江山勞客思
一年風物又春深
夢中花發人將老
関外愁生酒不禁
引領使臺歸未得
且疏懷抱寄知音

木門早行

白虎前峰數尺高
露華蕭颯滿征袍
只知眼底簿書靜
豈意山中車馬勞
石夾雨餘重按轡
草間風動幾橫刀
通途聞說無多地
踴躍身輕意氣豪

送趙悅道叅政大資知越州二首

非崖威重兼之怒正獻純風重以和高世清名公取
盡經邦餘事蜀憲多二江遺愛流長在雙劍銘功壁
屢磨聞向蓬萊指歸路其如朝野具瞻何

白馬前其二

徒御紛々擁劍閔蜀人重是送公還欲知千里謳歌
意半在百篇文字間風霰道途方過關煙霞桂柿更
尋山重金不負扁舟約賀老鑑湖春水閑

和鮮于子駿遊沙溪洞

放轡深窮物外天少償遊恨十餘年諸仙羽化曾由
此千載崑居尚宛然門轉青溪空水石室存丹竈養
雲煙冰骸坐久雖清澈獨有區中世俗緣

輿閣山興州坐卧二仙

莫道真心際混茫豈將生死係存亡已駘雲霧朝丹
闕猶蛻衣冠寄異鄉姓氏不傳靈祕錄精神長在發
圓光洪有丘袂攀無及分向塵中到老忙

此對公寄子駿即中

疊々巴山走使輶不辭崑險奉寬條頻來馬足行應
慣重見民情喜自謠雨過寒林微帶雪風生幽谷靜
聞樵清竒定入騷吟筆乞取郵筒寄下僚

曾機文送李杞省旬赴闕

使輶西走奉軍期萬貨泉流向武威終伴江聲闕外
去又隨秋色日邊歸千番蜀屑供吟藁一道秦川照

錦衣莫歎奔馳傷浩氣出羣鴻鴈已高飛
曾對炎蒸憶靜便偶逢佳節思超然相將絕頂孤高
處剝看清秋幾許天雖欠笙簧留席上猶勝風雨傍
籬邊好看菊藥慙慙別旦暮除書落枕前

和子駿即中文臺
地接松扶絕塞邊塞星居人戶種畬田語音高亢閩中
俗風物蕭疎劍外天一失羈縻生堡障十分流運費
刀泉閣閣謾作封侯計幾策任畜到上前

和山路梅花
傳聞山下數枝梅不免車帷暫一開試向林梢親手
折早知春意逼人來何方歸路參差見更託巖風次
第催莫作尋常花卉看江南音信隔年回

和清暉亭
亭榭軒窗處開清暉嘉致號為魁羣峯有景互爭
出一水無聲相向來已借寒光搖棨戟莫辭歡賞費
旌壘新詩自屬風騷將何苦登臨媿不才

送范百禄子功學士知諫院二首
天庭高議破羣姦先帝曾將待從班談笑一辭雙闕
去縉紳遺恨十年間傾朝每憶劉賁對側席終聞賈
誼還言貴遠巡非久計行看鳴玉上鼇山

其二

聖賢中道意何如歷々樊川論諫書要在致君成德
業不當沽直徇名譽平生忠義傾心際後日經綸試
手初得意古人多氣義彈冠應有舊簪裾

和苗時中子君運判亭溪道中雙白猿

雪白霜猿久已靈江山但覺有餘清優游此地不常
出皎潔一身能自明高掛豈知神氣王仰看誰為骨
毛驚因吟佳句成遺恨安得風前聞嘯聲

和子駿郎中清江道中

繚繞川原又載馳人情風物共依依膠舟野水涸將
盡捲雨嶺雲寒不飛豈憚長途勞使傳尚尋清景扣
禪扉前山次第看梅發剩帶新年春色歸

赴辟利臺呂少蒙運判以詩回贈依韻謝之

隨和篋笥號藏珍物理求多漸失真騏驥已勝千里

足鷓鴣才寄一枝身自怜蹭蹬居前糶豈意蹉跎接

後塵呂亦常作窮達聖賢知有分不同非望澤中人

和岑巖起莫軒

聞在幽軒隱使華合歸清望戴重紗手持溫詔方行
道堂有慈親即是家得意鄉山頻上看異時蓬島合
重誇登臨強欲留詩句苦恨風騷力未加

送文與可知洋州

何事年々擁使麾放身閑處避危機為思清漢還重
去猶厭承明未肯歸天上榮途方策足林間輕靄尚

沾衣區區斥鴳寧能滿只得蓬蒿自在飛
賞梅呈李待制才元
鎮雅墻陰看早梅蒲城惟此一株開已驅禽鳥工夫
盡裁共賓僚宴賞來月照寒姿凌畫燭風傳香藥隨
清盃玉堂深切歸期近少住花前醉幾回
讀劉賓客外集
七言常愛中山好百首猶存外集多大約晚年知性
命一時清韻入中和森張劔戟雖無敵隱約瑕疵惜
未磨三遠花欄俱讀盡杜陵回首鬱嵯峨
還揚恬天隱長官家集
經世才高若命何微茫騷雅寄編摩純音已落入人間

久孤憤猶存集外多喜看仙巢鳴鸞驚重聞古匣奏
雲和慙慙歸秩非無報誰為沉文弔汨羅

寄題合江知縣揚壽祺著作野亭

野亭何處訪仙翁安樂風煙迥不同千里清泉來塞
外四時佳景出山中偷身暫逐禽魚樂放意翻成筆
硯工醉伴逍遙無計去鈎藤新熟荔枝紅

和呂少蒙題大卿林下軒

歸來何處解塵襟幽徑尋軒入茂林身到靜中方有
我事除詩外更無心江山相就能清景桂栢新成已
翠陰聞說逍遙樽酒會三卿魚袋闔黃金

題馮公舉郎中清音亭

山水清音遠翠微一亭風物里中稀為憐魚釣生平
處還向功名事了歸白傅歌童聊自適莊生鷗鳥自
相依區區貧阮長嗟嘆絕有林居便拂衣
行縣道中遇暴風雨寄呂少蒙太傅

霖潦經時路未通公言行縣太念安知風雨欺人
處正在溪山絕險中一出到頭餘日在少留隨分覺
途窮却因下馬心方悟欲速無成萬事同

重陽寄文與可

牛峯秋色翠相摩還上凌雲宴綺羅黃菊綴逢佳節
好清歡不似去年多僧房次第依重到霜月蕭條且
強歌聞說洋州時節盛不知高興定如何

過永泰文與可宅因寄

數程奔走倦征車喜過蓬仙舊隱居秀氣峰巒排戶
牖清風樓閣鏤畵書一從高步東山起重見深秋少
室虛無計墨君堂上看林間猿鶴共躊躇
聞內舍榜將至

元豐內舍初公選開寶中秋定試期四海諸生趣盛
集一朝新議破羣疑人傳學榜才張後驛遞家音未
到時莫恠虛名隨分喜文章門戶欲成持

和苗子居新井道中

閩水兼山闔曉光星輶親按古村鄉臨江麥隴煙雲
翠夾道林花錦綉香使百天邊勞按察人情車下見

歡康東風相伴行寬詔敢恨年來鬢髮蒼

和蒲安行誠之秘丞遊烏奴寺

共隨春色探幽竒春到山中未幾時嘯傲煙霞凌絕

頂毫芒人物亂交遠已登高閣臨清曠更羨輕舟泛

渺瀾落筆傳盃遂陳迹莫辭鐘鼓下山逢

送李才元待制二首

直道崎嶇出禁林江湖長有愛君心五年漢法更張

際千里潼江惠澤深天下鷓鴣方得侶道傍桃李正

垂陰邦人不用留行色滿旆薰風入舜琴

其二

為椽初逢幕府開便將清望屬非才重來門下經年

後始見天邊促召回况有平生餘事業此行高步脫

風埃孤蹤已作溝中断休費工夫為剪裁

李待制寄僧詩有歇定之語兼聞有岷峨之

遊因作詩以寄之二首

無心宜與物相期既歇須行似不疑出處休將人事

說功名多在老成時骨中白練何妨潔足下青雲豈

自知好取聖賢權進退莫教輕重失毫釐

其二

春遊盡欲尋山杖屨岷峨只等閑但放高懷窮物

外不知清譽滿人間經年綠野嘗沉醉幾日香峰暫

往還自笑塵轅盤未得逍遙無路一追攀

和普守勾輔元郎中見寄均逸亭詩

春風獵獵卷雙旌太守開樽上子城地僻養成山水
趣民和流入管絃聲林花遠近參差發野景朝昏次
第生引領英游歸未得東溪遺恨幾時平

和賞海棠

三春花卉滿州城渠占風流第一名老杏酸寒誇錦
綉野梨乳強學瑤瓊穠粧雨後頻來看尤物年深特
地榮為是翰林親手植莫辭歡賞慰民情翰林彭
公思永

送韓存寶閣使

君常慷慨論兵機喜見韓侯定遠歸將略無窮雖世
出秋毫不犯似君稀封侯氣骨青春在報主功名白

日飛齷齪簿書何所戀擬投儒服換戎衣

和岑巖起見寄

一別江臯能幾時相從鷗鷺久無依樓前流水常東
去塞上征鴻又北歸交分每傳雙鯉信鄉心同望白
雲飛孤吟長嘯無儔侶惟向清宵共月輝

和後唐王仁裕舍人留題自然觀

黃鶴仙音久絕然嘉陵江上碧峯端惟餘寂寞煙霞
館空老陰森檜栢壇藥竈遠行雲彩動詩牌吟拂玉
聲寒虛無蹤跡何須問自有清名不死丹

與陳萬石

千首詩兼百首文宗韓之子拾遺孫吾鄉此道嗟幾

絕先世餘風喜僅存三變聲名徒自惜平生襟抱向
誰論相知惟有貧相見撥置窮愁付酒樽

開州道中逢王子巖中散惠詩依韻和之

經年東北望陽臺阻奉從容一笑開良會俱從江上
得清風潛向坐中來詩成不倦乘閑寫酒好何妨盡
醉陪百老篇章今少見滿懷歸去重瓊瑰

再和子巖

歸舡才泊古巴臺遙見詩筒眼豁開摩壘只憂輕桃
去報瓊何意誤投來老知仙夢終難到清喜英遊屢
得陪對酒孤吟重相憶江前微霰屑瑤瑰

渝州春雪

青帝雲車碾玉塵陰机和雨付江神巧將清冷三巴
景粧出繁華二月春已凜寒威驅瘴癘更流和氣助
陶鈞勸農使者雖歡賞猶念無衣索拊循

寄仲賢朝議

王荀龍大名
及嵩叟父

仙鷄曾伴學飛翻三紀光陰一夢間龍坂舊游今獨
在鳳池高步已難攀衣冠每恨功名晚風月誰兼富
貴閑契闊人情應見念故人憔悴老巴山

壽春穆東美有節亭

淮上仙翁倚歲寒遠亭閑種碧琅玕林泉莫恨歸時
晚風月偏宜靜處看為愛蕭森從藁密欲令蕃衍放
根蟠堦庭已見清陰合更長龍孫百十竿

送李之純寶文二首
平生玉帳耻論兵勸學儒風已自成惟有愛民常慘
怛况曾廉俗舊澄清直將經濟為仁術不假中和助
政聲從此回翔歸柄用更推忠厚福羣生

避迨當年最見知台光雲霧阻重披忽聞頴上還朝
日正是漳濱養病時劍外江山愁遠別天邊鴻鵠望
歸期西南遺愛情何限千載羊公隨淚碑

寄題希元承詔堂希元惠詩因次其韻

鸞鷲峰前舊隱亭仙翁曾此被牙旌雲山每恨未能
到松桂向人如有情公自有詩云庭下松
桂栽清陰從此始共把清尊

慙北海更聽餘論學南榮何須醕酏為真賞歸袖瓊
瑰已自盈

小溪尉丘君父母年皆九十康強精明尚能
讀書挫箴如五六十歲人相繼受恩命某固

未嘗見也亦未嘗聞也因作詩遺丘君且以
傳諸士大夫如果未嘗見聞則宜相與樂道

其美而形於歌頌云

人間夫婦老難期九十俱全古亦稀滄海蟠桃看結
子碧梧棲鳳久忘歸君恩黃髮頌新誥兒戲青衫著
彩衣一尉三公無此樂百年琴瑟在庭闈

春遊

邀約東風共出城雲容羞日弄陰晴看人墻外衝花
氣下馬石間聞水聲林葉半從樵刃起草牙還傍燒
痕生趣時槐李參差發得意禽虫各自鳴開謝眼前
窮物態豐登時下見民情悔將詩筆隨春酒萬景投
懷醉不成

戲題辛叔儀花園

前載聞君說種花重來軒檻早芬葩只知造化隨人
力豈覺光陰換歲華風雨不容孤客賞馨香寧待主
翁誇牡丹珍重偏開晚料得開時已到家

和馮太博歸州春望

聞說巴東暫解顏兩回曾到十年間咍平灘自古風

波險玉洞無人水竹閑霜雪憑虛千尺瀑煙嵐弥望
四圍山登臨欲伴春遊去唯恐藤蘿不易攀

和八舍弟贊賢司理

弟多貧賤之歎故因詩激勸之

湖外閑官四見春就中吟詠費精神青山借得風騷
古白髮相將意思新每向孤高難得意要知閑淡苦
無人歸來幸有翎原識為惜鴻毛抵萬鈞

其二

兄弟當年粗有聲家風傳得至今清爭先蹤跡雖相
讓投老情懷共一驚富貴有時當自致文章無價可
能輕期君正在青雲上何止新詩幾首行

再和二首

歸來相值故園春坐對春風忽愴神十里溪山依舊
好一番花木為誰新青雲功業雖留我白日光陰奈
趁人道在不須論用捨唯將時命託洪鈞

其二

新詩才讀眼惺々照見詞源徹底清白雪乍聞高唱
喜明珠翻值暗投驚兒童一輩年將晚研席平生分
不輕為愛惠連才思好登臨重寄遠山行

再和

莫厭詩筒來往頻閑中無物可怡神追回風雅篇々
好鍊盡襟懷日日新自笑支離多病客更隨憔悴苦
吟人陽州不識英雄器重問顏高借六鈞

其二

休向詩中恨不平范滂留意在澄清煙霄鴻鵠飛將
到雷雨龍蛇蟄未驚聲價得來知道長窮愁消盡覺
身輕榮途咫尺非難至俯拾功名在此行

馮公太師文集卷第十二



